


LENYALO LE TLHALO

 A re kobamišetšeng dihlogo tša rena ka nakwana ya thapelo bjale. Wa Mogau kudukudukudu Tate, re leboga Wena mosong wo ka mongetla wa go ba ka otithoriamong ye, go lebana le ditšweletšwa tša letšatši. Eupša ga re tsebe se letšatši le se swerego, eupša re tseba gore ke Mang yo a swerego letšatši. Ka fao re a rapela gore Yena Yo a swerego lehono le gosasa, le ka moka Bokagosafelego, o tla re šegofatša lehono bjalo ka ge re kgobokane mmogo Leineng la Gagwe, gore re tla tseba bokaonekaone gore re phele le go Mo direla bjang. Bjo ke boikemišetšo bja rena bja go tlala, Tate. Modimo, Yo a tsebago dipelo tša rena, o a tseba gore se ke therešo. Re ikgafela ka borena go Wena, le—le karolo ya bokamoso ya letšatši, bakeng sa tirelo ya Gago, go la Jesu Kriste Leina. Amene.

Dulang.

² [Ngwanešu Branham o bolela le yo mongwe sefaleng—Mor.]
Ke a go leboga. Šo yo mongwe mo.

³ Moso wo mobotse, batheeletši ba ba bonalago le batheeletši ba ba sa bonalego go kgabaganya setšhaba fao re kgokagantšwego godimo mosong wo. Se se mpha mongetla wo mogolo go tla mo le go bolela mosong wo ka thuto ye bohlokwa ye. Go batheeletši ba ba bonalago, ka nnete go gakantšha gannyane, ka baka la gore fao feela ka pele ga ka go digaretene, ka gona ke swanetše go bolela go ya go la go ja le go ya go la ngele. Gomme go batheeletši ba ba sa bonagalego, ke na le otithoriamo go la go ja la ka, gomme ke na le tšiminesiamo go la ngele la ka; gomme ke godimo ga lebatso, ka digaretene tše di butšwego magareng, e dirile letsogo la ka la go ja le la ngele letsogo. Gomme re na le go tlala wa go falala, mosong wo, go kgabola otithoriamo, gape le tšiminesiamo, gape le kereke, kereke tlase ka Eighth and Penn Street. Gomme ka mafelong a go tlala wa go falala, lenaneo la mogala le e tšea tlase go ya mafelong a mangwe.

⁴ Re bile le nako ye kgolo Moreneng, gomme re ka fase ga tlhologelo ye kgolo ya tirelo ye mosong wo. Gomme bjale bošegong bjo e le nako ya go tswalela ya matšatši a mane a a khampheine, ka baka la eng, ka nnete re laletša ka moka, ba ba kgonago, gore ba be mo. Re a tshepha gore Morena o tla re fa sehlowa se segolo bošegong bjo ka go dira selo se sengwe sa go feta sa mehlang gagolo, go fihla mo e lego gore O tla fodiša ka moka balwetši le go dira dilo tše kgolo tše ka mehla A di dirago. Gomme re ka fase ga tlhologelo ye kgolo ya mantšibuwa. Setšhaba se laletšwa ka boithobo, le yo mongwe le yo mongwe, kereke ye nngwe le ye nngwe ya kereke ya

leina. Ebile ga wa swanela go ba Mokriste; ka nnete re bitša badiradibe gore ba tle, ba dule magareng ga rena. Gomme re dira bjona bokaonekaonekaone bja rena go ba ruta gore tsela ya Morena ke eng, gore re phele.

⁵ Bjale ke a holofela gore batheeletši ba ka se be le poifo. Gomme ke tshepha go Modimo gore nka se ke ka ba le poifo, ka baka la gore ke bile le bošego bjo bogolo, kgatelelo ye ntši. Ka baka la gore ke a lemoga gore dilo tše ke di bolelago mosong wo di tla swarwa kgahlanong le nna ka Letšatšing la Kahlolo, gomme ga—ga se ka kgona go robala, gomme ke a tseba gore ge ke sa di bolele di tla swarwa kgahlanong le nna ka Letšatšing la Kahlolo. Ka fao go e dira ye thata, o ka se kgone go e hlatholla.

⁶ Gomme bjale mosong wo ke thuto ye kgolo yela re yago go bolela ka *Lenyalo le Tlhalo*. Gomme lebaka le ke e dirile sekolo sa Lamorena, gore re kgone go bolela ka yona le go tšea nako ya rena, go na le go rera thero ka yona. Ke thuto go tšwa Lengwalong.

⁷ Gomme ke—ke nyaka go bolela gore, ge modiredi yo a itšego goba badiredi, lefelong lefe kapa lefe, ge theipi ye e ka be ya wela ka diatleng tša bona, ge re lokolla theipi ye. Ga ke tsebe gore kereke e tla dira eng ka yona. Ke kgopela Ngwanešu Fred go bona lekgotla la kereke pele a lokolla theipi ye. Gomme go lena batho ka ntle go kgabaganya setšhaba, ba ba nago digatiša ditheipi di butšwe, ka kgopelo le se ke la ntšhetša theipi ntle ntle le go kwa go tšwa go Ngwanešu Sothmann ka yona.

⁸ Bjale, gomme ge e ka tlogelwa ya lokologa, gomme yo mongwe wa banešu wa modiredi, goba Mokriste mang kapa mang felotsoko, ba ba ka se dumelelanego ka dilo tše ke di bolelago ka thuto ye, ke—ke a tshepha gore le ka se E swaswalatše. Ge le sa E kwišiše ka tsela ye ke E rutago, go lokile, o na le tokelo ya seo, bjalo ka modiredi, bjalo ka modiši. Gomme ke hlompha eng kapa eng ye o e dumelago.

⁹ Gomme go na le dikolo tše pedi tše kgolo fao ka ye. Gomme ge fao go le dipotšišo tše pedi, fao go na le ye tee ya tšona e swanetšego go ba therešo, goba ga go le e tee ya tšona e lego therešo. Ka fao re ya go leka go lebelela go Lentšu la Modimo, mosong wo, go rarolla ye. Go nna, ge e le potšišo ya Beibele, Beibele ka nnete e na le karabo ya yona.

¹⁰ Gomme bjale feela pele re ka ba le tše, go thoma thuto ye, ke ra gore, pele ke rapelela Lentšu, ke nyaka go hlagiša go yo mongwe le yo mongwe wa lena, gore ke . . . lena Bakriste gagolo, gore ke duma . . . Ke—ke nyaka le nthapelele mosong wo. Gomme ka moka ntle ka go batheeletši ba go se bonwe ba ba theeditšego ka gare mosong wo, nthapeleleng, ka baka la gore ke nyaka go botega le therešo.

¹¹ Bjale re lemoga, ka go dira ditatamente tše, yo mongwe, ge e le motho yo motee feela, o tla lekelela godimo ga Lona

bjalo ka ge o ka re E be e le magareng ga lehu le bophelo. Fao go na le ba bantši ba lena mo ba tla tlogo ba dumela. Ka nnete, ba bantši ba lena, mohlomongwe, ba ka se ke. Eupša ke a tseba, ka bodireding bja ka, fao go na le batho ba ba tlogo go nthetša, le go theetša se ke tlogo go se bolela; go tšwa, bjalo, ba dutše mo mesong, boditšhabatšhaba, go tšwa go tše ntši tša United States, Canada, le go kgabola mawatle. Gomme o ka kgona go eleletša kgatelelo ye e go beago go yona, go tseba gore lefelo la monna yola la ka Gosafelego le robetše ka diatleng tša gago, ka baka la gore o ya go swarelela go se o se bolelago. Ka fao Modimo o tla ntira gore ke se arabele, gomme ke nyaka go batamela ye ka tlhokofalo ka fao ke kgonago.

¹² Bjale ke—ke kgopela dikgaetšedi tša rena. Gomme ke fetotše a mangwe a mantšu a ka gore ke kgone go le bolela pele ga bona. Billy o na le ka potleng ya gagwe, mosong wo, ntle kua, dilo tše dingwe tšeo di ka se kgonego go boletwa ntle pele ga—ga batheeletši ba ba hlakanego. Gomme a mangwe ao go lego molaleng gore ke tla a bolela, le swanetše go a kwišiša. Le tšee bjalo ka ge le etšwa—le etšwa go ngwaneno wa gago, go bokaonekaonekaone bjo ke bo tsebago. O tla dula ka ofising ya ngaka gomme wa mo theetša, o swanetše go bolela mantšu a a lego molaleng go wena. Gomme ba bangwe ba lena bahumagadi ba baswa le banna ba baswa, ga ke nyake gore le hwetše sehlagišwa sa go fošagala. Ke nyaka gore le dumele, gomme le no dula ka go iketla. Elelwang, Therešo e swanetše go boletwa go ba Therešo.

¹³ Gomme, bjale, ntle le go kamaka eupša fao go tla ba ba bantši ba lena ba sa dumelelanego le se se tla boletwago, eupša ke nyaka go e kgonthiša go lena ka Beibele. Gomme ka gona ke a dumela, ge le ka no ba le tlhomphokgolo gomme la theetša, gona le tla ba le kwišišo ye kaonekaone le kakanyo ya seo ke bego ke se rothotha, ka moka go bapela. Ke a dumela se se tla e hlatholla, gomme ke a tshepha gore se tla dira.

¹⁴ Bjale re ka no ba ba bateletšana gannyane, iri le seripa, goba mohlomongwe boteleletelele, ka ye. Ga ke tsebe gore e tla tšea botelele bjo bokae.

¹⁵ Gomme bjale gape, ke rata go bolela gore, ka nakong ye, gore, ka go tseba gore batho ba swarelela mantšung a gago; ba a dira, go modiša wa bona. Gomme, go le bjalo, ke be ke le modiša.

¹⁶ Gomme ba swarelela go mantšu a modiša, feela bjalo ka ge o ka re e be e le magareng ga lehu le bophelo. Ba swarelela go mantšu a moprista wa bona, bjalo ka ge o ka re e be e le magareng ga lehu le bophelo. Gomme go le bjalo, modiša, mohlomongwe le ka moka se a tsebago ka mokgwa wo a se dira, o ruta batho ba gagwe feela tlwa go swana le ka fao a rutilwego ka siminareng; ntle le go kamaka eupša seo moprista, le yena, ka mabudumeding a go fapana ao a

nago baprista. Go le bjalo, modiša ka nnete ke moprista; ke moemagare. Ka fao, ge moprista, go ka moka tše a di rutilwego ka go ya gagwe, ka siminareng le ka dimonaseteri, monna ka tlhokofalo ya botebo o bolela feela tlwa se a se rutilwego.

¹⁷ Go lokile, gona, ga ke na le boitemogelo bjo no itšego bja siminare goba boitemogelo bja monaseteri, gomme ga go selo kgahlanong le yona le gatee, eupša ke na le bophelo bja semaka kudu.

¹⁸ Ke biditšwe ge ke be ke sa no ba mošemane yo monnyane. Gomme ka go ye e be e le la go bonala, la go kwagala leswao la go fiwa nna, pi—Pilara ya Mollo e lekeletše ka sethokgweng, ka mengwaga ye šupa ka bokgale, thwi mo ka Utica Pike. Tate wa ka o be a šomela Mna. O. H. Wathen yo a sa tšwago go hwa kgauswana. Gomme le badile puku, le tseba setori. Gomme go tloga nako yeo. . . Tlase nokeng nako yeo Ya tšwelela go bonagala pele ga batho. Gomme bjale E bile le senepe se tšerwe, dinako tše ntši, gomme se lekeletše ka Washington, DC, bjalo ka tokelo ya khophi, ka Religious Hall of Art, bjale ka Sephedi sa ka godimo ga tlhago se nnoši seo se kilego sa kgonthišwa ka sesaentshe go tšewa senepe; Pilara ya Mollo ye e swanago, tlwa ka tebelelego ye e swanago le ka tsela ye nngwe le ye nngwe, le yeo e ntšheditšego Israele ka ntle ga Egepete. Ke a dumela Ke Jesu Kriste ka sebopego sa Moya, ka go Bomorwa bja Modimo.

¹⁹ Ka gore O be a bitšwa “Morwa wa motho” ge A etla pele, bjale O bitšwa “Morwa wa Modimo,” ka Miliniamong O tla ba “Morwa wa Dafida.” O tlile bjalo ka Morwa wa motho, Moporofeta, bjalo ka ge go boletšwe ka Yena; bjale Ke Morwa wa Modimo, ka ga bokagodimo ga tlhago; ka go Miliniamo wo mogolo wo o tlogo, O tla ba Morwa wa Dafida, a dutše ka teroneng ya Dafida. Bjalo ka ge ka moka babadi ba Beibele ba tseba gore yeo ke tshephišo ye Kgethwa le Modimo, go Dafida, O be a tla tsoša Morwa wa Gagwe go dula ka teroneng ya gagwe.

²⁰ Gomme bjale ka bja go se tlwaelege, bja semaka bodiredi, ke beditšwe selo se sengwe le se sengwe go tloga go “Modimo” go ya go “diabolo.” Gomme seo, feela ka mehla se ka tsela yeo.

²¹ Seo ke se pišopomogolo wo wa kereke ya Katoliki a se boletšego go nna bošego bjo bongwe tlase mo, poledišano e be e le, gore o rile, “Ngwanešu Branham, Johane Mokolobetši o ikamantše pepeneneng ka boyena ka Mangwalong, bjalo ka ge a boletšwe ke Jesaya moporofeta.” O rile, “Bodiredi bja gago bo amantšhwa pepeneneng ka Kerekeng.” A re, “Maluther ba ka Beibeleng.” A re, “Maluther ba be ba tseba Luther. Mawesley ba tseba Wesley. Eupša go reng ka Mopentecost?” A re, “Ba a tsekella. Ga ba tsebe mo ba yago.”

Gomme ka re, “Mohlomphegi, ke leboga seo.”

22 Gomme e be e le ka nako yela Moya wa go wela godimo ga mohumagadi, ga se a ke a mpona, mosadi wa gagwe. . . gomme a bolela gomme a amanya dilo tše di swanago.

23 Bjale, go botega, pele ga Molaetša wo ke bolela mosong wo, ga ke tsebe. Ke mmoditše, ka re, “Mohlomphegi, ke be nka se kgone go bolela seo. Seo ke selo se segolo go se bolela. E bonagala bjalo ka yona.”

24 Selo se setee ke se tsebago, gore fao go na le selo se sengwe se diregile, ka nnete. Ka moka dilo tše, feela, se kgonthištšwe ka sesaentshe, le go kgonthišwa go dikologa le go dikologa lefase, e ka se ke ya no ba nonwane. Ke Therešo. Ke eng? A ke re, ka boipolelo, pele ke bolela le lena mosong wo, ga ke tsebe. Gomme ke be nka se leke go dira mosepelo wo o itšego go fihla ke kwele go tšwa go Yena yo a boletšego le nna mo go fetilego gomme a mpotša dilo tše.

25 Elelwang, Morena wa rena Jesu Kriste ga se a ke a ikamanya ka Boyena bjalo ka Morwa wa Modimo. O rile, “Le rile Ke be ke le yena; go fihla bofelong bjo Ke tswaletšwe gona,” le go ya pele, eupša Yena ga se a ke a ikamanya ka Boyena.

26 Gomme, bjale, yeo e be e le Pilara ya Mollo ya go eta pele bana ba Israele, e be e le Morena Jesu Kriste ka sebopegong sa Moya, (le dumela seo?), Logos ye e tšwelego go Modimo. [Phuthego e re, “Amene.”—Mor.]

27 Gomme ka gona ge A be a le lefaseng, O rile, “Ke tšwa go Modimo, gomme Ke ya go Modimo.” Ka moka re tseba seo.

28 Gomme ka morago ga lehu la Gagwe, poloko, le tsogo. Saulo wa Tareso o be a le tseleng ya gagwe go theogela Damaseko, go tlaiša ba—Bakriste, ka baka la gore ba be ba ruta dilo go fapana le ka fao ba bego ba rutilwe. Gomme o be a le lešole le legolo; ka fase ga Gamaliele, yo motee wa mathitšhere ao a itlhaotšego wa letšatši, ka sekolong sa bona, monaseteri wa bona; gomme e le monna yo mogolo, le moofisiri wa kereke. Gomme e bile fao mo Seetša se segolo, Pilara ya Mollo gape, ya go mo rathela fase, bogare bja mosegare. Gomme Lentšu la re, “Saulo, Saulo, ka baka la eng o Ntlaiša?”

29 Bjale ge o ka ela hloko ge Paulo, Saulo, a tsoga, a re, “Morena, Wena o Mang?” Bjale, mošemane yola, e le Mojuda, ka nnete o be a ka se bitše eng kapa eng, ntle le ge e be e le selo se sengwe go swantšha Modimo, o be a ka se ke a se bitša “Morena.” Ka fao, E be e le Pilara ya Mollo ye e swanago.

30 Bjalo ka ge Jesu a boletše, “Ke ya go Modimo. Ke tšwa go Modimo, gomme Ke boela go Modimo.”

31 O be a le fao, morago ka sebopego sa Pilara ya Mollo gape; O rile, “Ke nna Jesu Yo o mo tlaišago; ke mo go thata go wena go raga kgahlanong le diotledi.”

32 Gomme re a lemoga gore ge Moapostola Petro, yo dinotlelo di filwego yena go aga Kereke, re hwetša gore o be a le ka toronkong, gomme Pilara ye e swanago ya Mollo ya tla go kgabola mapheko, ya bula mejako ya kgolego, ya ntšhetša Petro ka ntle, ka sephiri, ntle le go šitiša moleti. Go nna, Ke Jesu Kriste yo a swanago maabane, lehono, le ka gosafelego.

33 Gomme ka gona ka mehla le tseba selo se sengwe le se sengwe ka tlhago ya sona. Selo se sengwe le se sengwe se tsebja ka tlhago ya sona, kenywa ye se e enywago. Gomme ke kgopela gore le hlokomele mohuta wa kenywa ye Se e enywago, Seetša se e lego Modimo, ka baka la gore ka mehla Se ya morago go Lentšu la Modimo, se rera Lentšu la Modimo, gomme se kgonthiša Lentšu la Modimo, se rera Lentšu la Modimo, gomme Modimo o kgonthiša Lentšu leo ka tše di swaregago pele ga lena. Fao go swanetše go ba selo se sengwe morago ga Lona.

34 Batho ba mpiditše moporofeta. Ga ke ipitše moporofeta ka bonna, ka baka la gore ga ka swanela go bolela seo, eupša ke na le. . . E re, ke kgona go bolela se, gore Morena o ntumeletše go bonela dilo pele, go bolela dilo tše di diregilego, di sa tlilego go direga, di diregago, gomme ga go nako e tee mo e kilego ya feila, ka dinakong tše masome a dikete. Selo se sengwe le se sengwe se A a boletšego gore se tla direga, se diregile. Ka moka re tseba seo. Ge fao go le motho ka go batheeletši ba ba bonalago mosong wo, goba kae kapa kae, a ka kgonago gore nako ye tee se feitši, o lokologile go ema gomme o bolele bjalo. Eupša ge yo mongwe le yo mongwe a tseba gore nako ye nngwe le ye nngwe, ya go atiša ka dikete, e nepagetše ka go phethagala, e re, “amene.” [Phuthego e re, “Amenel!”—Mor.] Le a bona? Ka fao seo e tla ba selo se se swanago go dikologa lefase.

35 Selo se sengwe se kgauswi le go direga. Modimo ga a romele dilo tše ntle le go ba morero ka morago ga sona.

36 Ke be ke sa nagana mo. Ke e beile mo, e tee ya dinoutse tša ka. Tše ke di rwelego mosong wo, para ya dikonope. . . Gomme ba bantši ba lena le kwele ka naletšana ye ya mmobi, Jane Russell, gomme mmagwe ke Mopentecost; gomme Danny Henry ke motswalagwe, motswalagwe wa mathomo, ngwana wa kgaetšedi ya mmagwe. O be a le Mobaptist. O be a eme ka kopanong, kopano ya Banna ba Kgwebo ka Los Angeles, California, mengwaga ye mebedi ya go feta.

37 Gomme ke be ke sa tšwa go fetša go bolela ka tše kgolo, tša maatla, tša go gapeletša kudu ditatamente; tše le mookamedi, yo mongwe wa baokamedi pharephare ba Assemblies of God, a gata go theogela sefaleng go tšwa godimo ka bophagamong mo a bego a dutše, gomme a re, “Ga ke dumele gore Ngwanešu Branham o be a era seo.”

38 Ka re, “Ke swanetše go se ra, mohlomphegi. Ke GO RIALO MORENA.” Gomme, nako yeo, e be e le ka kereke lebakeng le.

³⁹ Gomme e ka ba ka nako yeo, monna yo moswa yo yoo e lego rakgwebo. . . Ngwanabo o ka godimo. . . o be a le fao a tšea dinepe tša thelebišene mosong woo, ngwanabo yo mongwe ke—ke mohlokamedi wa ditsela tša toropo tša California. Gomme Danny Henry a sepelela pele ka morago ga ge kopano e tswaletšwe, sefaleng, ka mokgwa *wo*, fao banna ka moka ba bego ba dutše, a sepelela fase go bea matsogo a gagwe go ntikologa. Gomme a bolela mantšu a, “Ngwanešu Branham, ke a holofela se ga se kwagale bjalo ka go nyefola, eupša,” a re, “se se ka kgona go dirwa tema ya 23 ya Kutollo.” Yeo, fao go na le masomepedi—pedi a ditema ka go Kutollo. A re, “Ke a holofela se ga se kwagale go nyefola.” O be a se na le go feta go e bolela. . . Bjale, mošemane e be e le Mobaptist, gomme a sa tsebe selo ka bokagodimo ga tlhago. Ka matsogo a gagwe go ntikologa, a thoma go bolela ka leleme la go se tsebje.

⁴⁰ Gomme ge a fetša go bolela ka leleme la go se tsebje, fao go be go le wa—wa ntšhuthu, wo moswana mosadi a dutše thwi ka pele ga ka, a emelela, a re, “Seo ga se nyake tlhathollo ye e itšego.” A re, “Ke tšwa Shreveport, Louisiana, goba, Baton Rouge, Louisiana.” A re, “Seo ke Sefora sa go hlapa.”

⁴¹ Victor Le Doux, yo e bego e le Monna wa Mofora, le yena a dutše godimo kua, a re, “Ke nnete, ke nna Monna wa Mofora, gomme seo e be e le Sefora ka go phethagala.”

⁴² Ka re, “Ema motsotso. *Wena* ngwala fase se a se boletšego, le *wena* ngwala fase se a se boletšego, pele le bolela eng kapa eng. Ngwalang fase se le se bolelago, gomme a re boneng dinoutse tša lena.” Gomme ka fao yo motee a ngwala fase, gomme le yo mongwe a ngwala fase, le maswao a be a swana.

⁴³ Gomme e ka ba ka nako yeo, ge ba tliša dinoutse godimo, wa go lebelelega-gabotse, yo moswa hlogo-swana ya mošemane a sepela go tšwa morago. Moo, fao go be go se kamora ya go lekanela go yena go dula fase; o be a eme ka morago. A tla a sepelela pele, a re, “Motsotso feela, ke nyaka go bea noute, le nna.” A re, “Ke nna mohlatholli wa Sefora wa U.N., Ditšhaba Kopano.” A re, “Ke nyaka go tlogela noute ya ka.”

⁴⁴ Gomme, mo, ka moka dinoutse tše tharo di swana tlwa, tša Sefora. Gomme še tsela ye e balegago. Ye ke dinoutse tša setlogo di tšerwego, noute e tšerwe thwi go tloga. Ye ke noute ya Danny, ka boyena, o e beile ka potleng ya gagwe. Go le bjalo, e ile ka go Banna ba Kgwebo ba Bakriste, le go ya pele.

Ka baka la gore o kgethile tsela ye tshesane, tsela ye thatathata; wena o sepetše ka kgethong ya gago mong.

Wena o tšere kgetho ya maleba ya go nepagala, gomme ke Tsela ya Ka.

Ka baka la sephetho se segolo se, karolo ye tona ya Legodimo e tla go latela.

A sephetho sa letago seo o se dirilego!

Se ka bosona ke seo se tla fago le go dira go tla go phethega phenyo ye tonagadi ka leratong le Lekgethwa.

45 Bjale, monna o saenne leina la gagwe. “Setatamente sa ka godimo se hlatholotšwe ke...sa Danny Henry a porofeta godimo ga Ngwanešu Branham, bo filwe ke dihlatse tše tharo ka kgwebong ya dijo ka Los Angeles, California.”

46 Bjale, monna yo a swanago yo moswa yo a filego seporofeto se, a sa tsebe gore se a bego a se bolela, se be se le ka Jerusalema e ka ba kgwedi ya go feta. O bile le mongetla wa go ya ntle le—le go robala ka lebitleng fao Jesu a go hwa gomme a bolokwa. Gomme ka fao ge a sa robetše fao, o rila ka tla godimo ga monagano wa gagwe ka maatla ka nnete gomme a thoma go lla. O rila, “Ke fao go bilego bothata go Ngwanešu Branham go ema kgahlanong le lefase le dilo tše, le ka moka dikereke!”

47 Go swana le—le ka fao gwa go bolelwa gatee nako ye nngwe, ka karolo ya Billy Graham, ba re, “Re kgona go bona Billy Graham, ka baka la gore ka moka dikereke di mo kopanetše mmogo. Re bona Oral Roberts, Bapentecost. Eupša re ka tsoga ra ba bjang le ge e ka ba eng, ge Se le kgahlanong le se batho ba se rutilwego?” Ke Modimo.

48 Gomme, Danny, se a se dirago bjalo ka sa go itloša bodutu, o dira maswikana a manyane. O sepeletše ka ntle fao Sefapano se bego se beilwe fase, fao ba rilego Sefapano se be se dutše ka letlapeng. Ga go yo motee a bego a le tikologong, ka fao a kgetlola seripa se sennyane sa letlapa gomme a se bea ka potleng go ba segopotšo, a tla gae a ntirela para ya dikonope go tšwa go lona. Gomme, ka go se tlwaelege, ge a di dira, tša bonala di na le dipatso tša madi. Gomme thwi go kgabola ye nngwe le ye nngwe ya tšona, ka go tšwela pele, e kitima go otloga, tsela ye tshesane thwi go kgabola tšohle tša tšona. Bjale seo e ka no ba feela...Le a bona, yo mongwe gape a ka no se e ele hloko, eupša go nna ke tlaletšo go dilo tše ke di dumelago. Ke dumela gore se sengwe le se sengwe se na le se se se rago go sona.

49 Gomme bjale, ka mo nakong ye, eng kapa eng Morena a... Ge se e se selo se A porofitilego ka sona, sa Maleaki 4 le sa Luka 17 gape, le a mangwe a mantši Mangwalo ao a swanetšego go direga ka letšatšing le la mafelelo, a nke ke bolele se ge ke tswalela, le beile motheo wa motho ge a tla tla. Ka fao ke leboga kudu gore Modimo Ramaatlakamoka, ge e le ka tsela yeo, o ntumeletše go dira selo se sengwe se sennyane, ka leemong la ka la go se rutege, go laetša tebogo ya ka ya lerato la Gagwe go nna, lerato la ka go Yena, le lerato la rena go batho.

50 Ka fao, ka tlhokofalo, ke batamela thuto ye ya *Lenyalo Le Tlhalo*. A nke Modimo a be le mogau go rena ka moka.

51 Gomme bjale theetsang sekgauswi. Gomme, dikgaetsedi, le se ke la emelela gomme la ya ka ntle; dulang ka go iketla lebakana le lennyane feela. Banešu, dirang se se swanago. Le se ke la tima disete tša lena ntle fao, tše di tlogo ka kgokaganyo ye. Le se ke la dira seo. Enong go dula ka go iketla metsotso e se mekae, go fihla o fedile. Theetsang sekgauswi. Ge le sa ganana, beang Mangwalo a ke a šomišago fase, gomme ka gona ithuteng wona ka go rapela pele le dira sephetho sa lena.

Modimo, re thuše ge re leka go batamela thuto ye.

52 Bjale, e ka no ba ye telele gannyane. Ga ke nyake gore le be ka go hlaganela. Gomme e nong go tšea nako ya lena, ka moka ga rena, le go ithuta Lentšu la Modimo, ka therešo le go tsenelela, ka fao re tsebago gore re ithuta Lona bjang.

53 A re thomeng ka Mokgethwa Mateo, ya 19 tema. Gomme go thoma, ke a nagana, ka ya 8 temana ya tema ya 19, ke nyaka go thoma. Nka no thoma le ka ya 1, gomme ke bale go theoga go ya go 8 temana ye ya 19 tema.

54 Bjale, elelwang, dilo tše tšeo ke di bolelago di swanetše go tšwa go Lentšu la Modimo. E ka se kgone go ba kgopolo ya ka mong, ka baka la gore kgopolo ya ka e no ba bjalo ka ya yo mongwe le yo mongwe gape. Eupša e swanetše go tšwela pele le Lentšu la Modimo. Elelwang, Modimo o boloka selo se sengwe le se sengwe ka go tšwela pele. Ga a fetoge. O a swana maabane, lehono, le ka gosafelego. A le dumela seo? [Phuthego e re, “Amene.”—Mor.] O a swana.

55 Bjale ke tla bala go tšwa go ya 19 tema.

Gomme gwa tla go phethega, gore ge Jesu a feditše dipolelo tše, o ile a tloga go tšwa Galelia, gomme a tla mabopong a Judea mošola wa Jorodane;

Gomme mašaba a magolo a mo latela; gomme a ba fodiša . . .

Bafarasei le bona ba tla go yena, ba mo leka, . . .

56 Ke khutša fao gore le kgone go hwetša go gatelela gore e be e le bomang ba ba bego ba Mo leka.

. . . ba re go yena, A ke molao gore monna a lahle mosadi wa gagwe ka lebaka le lengwe le le lengwe?

Gomme a araba gomme a re go bona, A ga se la bala, gore yo a ba dirilego kua mathomong o ba dirile monna le mosadi.

Gomme a re, Ka baka leo monna o tla tlogela tate . . . mme, gomme a gomarela mosadi wa gagwe: gomme bobedi e tla ba nama e tee?

Ka fao ga e sa le babedi, eupša nama e tee. Ka fao se Modimo a se kopantšego mmogo, go se be motho yo a se aroganyago.

Ba re go yena, Ka baka la eng gona Moshe a ba laetše go fa lengwalo la tlhalo, le . . . go mo lahla?

Gomme A re go bona, Moshe ka baka la bothata bja dipelo tša lena o le dumeletše go lahla basadi ba lena: eupša go tloga mathomong go be go se bjalo.

Bjale, Modimo, re thuše.

57 Lengwalo le, potšišo ye, e lebantše Jesu serokaphatla ka go wona mathomo a bodiredi bja Gagwe. Gomme e ile ya lebanya Moshe serokaphatla mathomong a bodiredi bja gagwe. Ke potšišo ya pelepele ka dipelong tša badumedi. Modiradibe ga a tshwenyega. Eupša badumedi, ka baka la gore modumedi o leka go dira ka moka se a tsebago ka mokgwa wo a ka dirago go phela gabotse pele ga Modimo. Ka fao e, potšišo ye nngwe le ye nngwe e tla godimo ga bodumedi, ka gona molato wa *Lenyalo le Tlhalo* o tla godimo, (ka baka la eng?) ka baka la gore ke sehlola sebe sa setlogo. Fao ke mo sebe se thomilego. Gomme leo ke lebaka leo se tlišwago godimo nako ye nngwe le ye nngwe, ka baka la gore ke sona mathomo a sebe.

58 Bjale nka se be le nako go hlatholla ka moka dilo tše, eupša ke tla thaba go araba lengwalo la gago goba eng kapa eng nka kgonago. Goba, re na le dipuku di ngwadilwe ka yona, le dipotšišo tše ntši, le diripša go tšwa go dikuranta le dilo mo, go kgonthiša se, re a tseba gore e bile Efa (Apola ye a bego a swanetše go eja, fao e sego le ge e ka ba go ya ka Lengwalo, bjale ba tleleima gore e be e le apolokosi; e be e se le e tee.), o dirile bootswa, bjoo bo tlišitše ngwana wa mathomo, e bego e le Kaine, morwa wa Sathane mong, ka gore ka go yena go be go robetše bobe. Ga se bja tla ka Abele. Morwa wa Sathane e be e le Kaine.

59 Ke tseba potšišo ya lena bjale, “Efa o rile, ‘Ke hweditše monna go tšwa go Morena.’” Seo ke therešo tlwa.

60 O ka tšea mosadi wa fasefase ka toropong, monna yo mobemobe; ge ba bile le lese, le tla swanelwa ke go tšwa go Morena, ka baka la gore Modimo o na le melao ye e beilwego mmogo. Gomme melao yeo, bjalo ka letšatši go hlaba; bea mogomarelakgapana ka tšhemong ye botse, o tla mela. Gomme o swanetše go mela, ka baka la gore ke molao wa Modimo. Ge peu e bjetšwe, e swanetše go mela. Gomme ga go se se kgonago go mediša bophelo ge e se Modimo, ka baka la gore bo šoma ka fase ga melao ya Gagwe. Ka fao ge peu ye mpe e bjetšwe ka popelong ya—ya Efa, e ile ya swanela ke go tšweletša pele, ka baka la gore ke molao wa Modimo wa tšweletšo. Gomme o ka se dire selo se sengwe gape eupša go e tliša, gomme e swanetše go tla go tšwa go Modimo.

61 Ke lebaka leo batho ba rego, “Masea a mannyane,” nako ye nngwe, “bao ba sego ba tswalwa ke batswadi ba Bakriste, ba lahlegile.”

⁶² Madi a Jesu Kriste a direla ngwana poelano, ga ke tshwenyegwe gore le belegwe bjang le gore o tswetšwe ka bobe bjang. Ke Kwana ya Modimo ye e tšeago go tloša sebe sa lefase. Ngwana yo monnyane ga a kgone go sokologa, ka gore ga le na le se le ka sokologago go sona, gomme seo e bile sebe sa lefase seo se tšerwego ke Madi a Kriste. Masea a ya Legodimong.

⁶³ Ke sebe sa setlogo, gomme ke ka baka leo se—se botšišwago. Ge tiragalo efe goba efe ye kgolo e etšwa go Modimo, ka selo sa mathomo: “Go reng ka lenyalo le tlhalo?” Bjale, bjalo ka mehlang, e sale potšišo magareng ga batho. Bjalo ka ge e bile dinakong tša Jesu, bjalo ka ge e bile dinakong tša Moshe, e bile bjalo ka mehla, le bile e sale le letšatšing le, potšišo magareng ga batho, ka baka la gore batho ba nyaka go tseba gore Therešo ke eng.

⁶⁴ Eupša fao go nago le potšišo, fao gape go swanetše go ba karabo. Gomme bjale ge e le karabo, bjalo ka ge ke boletše pele, beke ye, fao go swanetše go ba karabo ya maleba. Gomme ge re hwetša karabo ya eng kapa eng, gomme e se—e se ya maleba, gona re a tseba gore e fošagetše. Eupša fao e gona, o tla fela o botšiša go fihla potšišo ya therešo e arabiwa, ge o nyaka go tseba Therešo. Gomme ka gore ye e le potšišo ya Beibele, e swanetše go ba le karabo ya Beibele.

⁶⁵ Go bjalo ka ge o ka re ke rile, ge ke be ke nyaka go ya bohlabela mosong wo; gomme bokaonekaonekaone bjo ke bego ke tseba se, ke be ke swanetše go hwetša selo se sengwe se se itšego ka tšhemong, gomme se be se le ka bohlabela ka nepagalo, gomme ke ile bohlabela. Yo mongwe o rile, “Ngwanešu Branham, *mo* ke bohlabela.” Ke bohlabela, peleng, eupša ke lebowa bohlabela. Ke tla feta sona selo sela ke bego ke se nyaka; ke tla tla morago, ke tseba gore e be e le phošo. Gomme ka gona ge yo mongwe a rile, “Ngwanešu Branham, eya ka tsela *ye*, go ya go la go ja la gago.” Bjale, e šetše e le bohlabela peleng, gape, eupša ke borwa bohlabela. Ke tla lahlegelwa ke selo seo ke bego ke se nyaka, ka baka la gore ke ile go feta mellwane ya tsela ya go nepagala ya go phethagala.

⁶⁶ Bjale, ge seo se le bjalo, re na le dikolo tše pedi tša mogopolo godimo ga *Lenyalo le Tlhalo*. Gomme ke gore, se setee sa tšona se bolela, gore, “Monna a ka kgona go nyala gatee, ntle le ge mosadi wa gagwe a hwile.” Gomme yeo ke e tee ya dipotšišo, eupša, le ya go latela yeo, le ya go namela. Gomme ye e latelago e re, “Oo, ge mosadi goba monna, yo motee wa bona, a dirile bootswa, yo motee wa bona o swanetše go tlogelwa gomme o nyale gape.” O ikhwetša ka bowena o le ka godimo ka yeo.

⁶⁷ Ka fao, le a bona, ga se borwabohlabela goba lebowabohlabela; re nyaka bohlabela tlwa. O tla kitimela ka ntle ga Lengwalo ge o eya ka tsela *ye*, o kitimela ka ntle ga Lengwalo ge o eya ka tsela *yela*. Re nyaka go tseba moo

Lengwalo le kopanago le Lengwalo, le go tseba gore Therešo ya lona ke eng. Yo mongwe le yo mongwe o tšea tsela ye e fapanego, gomme o feila go tliša karabo ya go nepagala, eupša fao go sa swanela go ba karabo.

⁶⁸ Go no swana le, lehono, fao go na le dikolo tše pedi tše kgolo tša thuto ka kerekeng; ye tee ya tšona ke Bocalvin, ye nngwe ke Boarmin- . . . Boarminia. Ye tee ya tšona ke semolao, ye nngwe ke mogau. Gomme re tla go hwetša batho ba ba dumelago ka go mogau, Bacalvin, ba re, “Šegofatšang Modimo, ga go nkgobatše go kgoga. Ga go nkgobatše go nwa. Nka kgona go dira dilo tše, ke na le tšhireletšo ya ka Gosafelego.” Ka gona re hwetša lehlakore le lengwe, ka semolaong, le re, “Oo, ke nyaka go mo kgakgamolלה ntle, ke nyaka go mo laetša seripa sa monagano wa ka, eupša, ke nna Mokriste, ke swanetše go homola.” Le a bona, o ikhwetša ka bowena o le ka ditseleng tše pedi tša go fapana, eupša ga go le ye tee ya tšona e lokilego. Bjale, ke mo go thata go bolela seo, eupša ke therešo.

⁶⁹ Re ikhwetša ka borena godimo ga ditsela tše pedi tša go fapana; ye tee e ya ka tsela ye tee, ye tee ka ye nngwe. Bjale a re boneng gore Therešo ke eng.

⁷⁰ Bjale theetšang, le bone ge se se kwagala tlaologanyo go lena. Mohlala, ge ke itokišetša go ya mošwamawatle. Gomme ke tla tšea lapa la ka mong. Ke tla biletša mosadi wa ka go nna, gomme ke tla re, “Re ya- . . . Ke ya mošwamawatle, moratwa.” Bjale šele lehlakore la semolao, “Bjale, mosadi wa ka, ke ya go go beela molao fase! Ge o ka gerema le monna mang kapa mang ge ke sa ile, ge ke bowa morago o mosadi yo a hlakilwego. Gomme ga ke nyake o tlotša mahlo, ga ke nyake o gerema! O kwišiša seo? Ke nna monna wa gago! Ge o ka e dira, ke ya go go lahla ge ke bowa.”

⁷¹ Gomme o a fihla gomme a ntopa ka thai, gomme a re, “Monna wa ka wa go loka, ke nyaka go go botša selo se sengwe, o a bona, o a bona, gore ge o ponya mahlo go mosadi ofe goba ofe, goba o ntšhetša mosadi ofe goba ofe ntle, goba o gerema le mosadi ofe goba ofe, o ya go ba monna yo a hlakilwego ge o bowa morago.” Bjale, a leo e be e ka se be legae la lethabo? Wo ke boramolao. Ka moka gabotse.

⁷² Bjale, lehlakore le lengwe, gore ge ke eya mošwamawatle gomme ka dira phošo. . . Eya godimo gomme o re, “Bjale, lebelela, ke tla ntšhetša mosadi yo ntle. Oo, go lokile ka mosadi wa ka, ga a kgathale.” Mosadi wa ka o re, “Ke tla intšha le monna yo. Go lokile ka moka le Bill, ga a kgathale.” Ge ke sa kgathale, gona fao go na le selo se sengwe se fošagetše ka nna; ga ke rate mosadi yoo gabotse. Gomme ge a sa kgathale, fao go na le selo se sengwe se fošagetše ka yena. Ke mosadi wa ka; ga ke nyake monna yo mongwe a tsekella le yena. Ke mosadi wa ka.

⁷³ Bjale, tsela ya go nepagala ya yona, ke, fao bobedi bja bona ba na le therešo, eupša e sego Therešo ya maleba.

74 Bjale ge ke eya mošwamawatle, go e dira gabotse, lapa la ka le lennyane le kgobokana go dikologa, gomme re a rapelelana yo motee le yo mongwe. Gomme ke ba gafela go Modimo, le bona ba nkgafela go Modimo. Gomme ge re dira, re ya mošwamawatle . . . Ke ya mošwamawatle. Bjale, ke a tseba o a nthata; ke na le tshepho ka go yena. Gomme ke a mo rata; o na le tshepho ka go nna. Ge feela ke mo rata ka mokgwa woo, ga a na le go tshwenyega mo go itšego ka nna go ka ntšhetša mosadi yo mongwe yo a itšego ntle. Ge feela a nthata gabotse, ka baka la eng, fao ga go na le nyakego ya go nagana ka monna yo mongwe gape yo a itšego a intšha le yena, ka baka la gore ke mosadi wa ka gomme ke a mo dumela.

75 Ke a dumela, ge gabotse nka dira selo se sengwe sa go fošagala, ka dira phošo gomme ka intšha le mosadi yo mongwe, gomme ka bowa morago gomme ka ipolela yona go yena, gomme ka mmotša, “Meda, ke be ke sa re go dira seo. Ke nno tanngwa ka molabeng; mosadi yo o nno kitimela thwi godimo ga ka gomme—gomme a nkubarela ka letsogo, gomme a thoma *bjalo-le-bjalo*,” ke a dumela o tla kwišiša. Ke a dumela o tla ntshwarela yona. Eupša nka se ke ka e direla, lefeela, ka baka la gore ke a mo rata. Le ge a ka ntshwarela, nka se e dire. Nka se mo gobaletše, lefeela. Le ge ke tseba gore o tla ntshwarela ka yona, ga ke nyake go mo gobatša.

76 Gomme yeo ke tsela ye e lego ka gona le Modimo. Ge ke . . . ge lerato la *phileo*, e lego lerato la setho, lerato la kopanelo, le kgona go dira gore monna a ikwele seo ka mosadi wa gagwe; go reng ka lerato la *agapao*, lentšu la Segerika le ra “lerato la Modimo,” leo le tla ntira gore ke dire bjang ka Jesu Kriste? Nna, ge feela ke nyaka go e dira, e ka pelong ya ka go e dira! Goba . . . Ke re, ge feela e le ka pelong ya ka go e dira, ke a ya ka e dira. Semolao se ka se ntumelele go e dira, ke ka baka la gore ke tsebile gore ke tla otlelwa go e dira. Eupša Therešo ya nnete ya yona ke, ke ge lerato la Modimo le etla ka pelong ya gago go fihla o *nyaka* go Le dira. Yeo ke Therešo ya yona. Fao go dikolo tše pedi. E sego semolao goba se sengwe, goba Bocalvin, ke bobedi.

77 Bjale re a hwetša lehono, gape, fao go na le dikereke tše ntši tša go fapana. Fao go na le kereke ya Katoliki, kereke ya Moporotesetanta. Ye nngwe le ye nngwe ya tšona di re ke tšona Tsela, le a bona, “Re na le Tsela, ke rena Therešo.” Fao go Methodist, e re, “Re na le Therešo.” Baptist e re, “Re na le Therešo.”

78 Go lokile, go nna, ge feela di ikwela ka tsela yeo, ga go bjalo, ka baka la gore Jesu o rile, “Ke nna Therešo.” Le a bona?

79 Ka fao, bjalo ka ge thero ya ka bošego bja go feta e be e le, gore Yena ke lefelo fao Modimo a beilego Leina la Gagwe, lefelo le nnoši la go direla. Ga o Mokriste ka baka la gore o

Moporotesetanta. Ga o Mokriste ka baka la gore o Mokatoliki. Ga o Mokriste ka baka la gore o Momethodist, Mobaptist, goba Mopentecost. O Mokriste ka baka la gore o kolobeditšwe ka go Jesu Kriste, ka Moya wo Mokgethwa, e sego meetse. “Fao go Tumelo ye tee; Morena o tee; kolobetšo ye tee,” yeo ke kolobetšo ya Moya wo Mokgethwa. Kolobetšo ya meetse e go tsebiša ka kopanelong. Kolobetšo ya Moya wo Mokgethwa e go tsebiša ka go Kriste. Fao go na le Therešo.

⁸⁰ Re na le gape dikgopolo tše pedi tša *Lenyalo Le Tlhalo* ye. Bjale, ka gore, Morena wa rena o butše sephiri sa Lehuto-Šupa sa Lentšu la Gagwe go rena, ka mo matsatšing a a mafelelo. Bjale, ba bantši ba lena, se e ka no ba Segerika go lena, eupša kereke ya ka e a kwišiša. Ka eng? Gomme le kwele ka dipono le se se diregilego. Gomme potšišo ke potšišo ya Beibele, re a laletšwa mo go dumela gore fao go na le karabo ya therešo go sephiri sohle se se utilwego seo se bego se utilwe go tloga go theweng ga lefase. Gomme Beibele e a porofeta gomme e a bolela gore ka letšatšing le la mafelelo diphiri tše di tla dirwa go tsebja. Kutollo 10, “Gomme ka go letšeng ga morongwa wa bošupa, motseta wa Laodikia, diphiri tša Modimo di tla dirwa go tsebja.” Gomme le ke lebaka la mafelelo, leo e lego Laodikia.

⁸¹ Lebelelang tsošetšo ye ka moka e sepetše lebaka la lesometlhano la mengwaga goba go feta, gomme ga go kereke ye tee ya leina e tlogo go tšwa go wona. Luther o bile le tsošetšo, fao go tšwele kereke ya leina; Wesley, fao go tšwele kereke ya leina; Alexander Campbell, fao go tšwele kereke ya leina; ka moka ba bangwe ba bagolo ba . . . John Smith le go ya pele, dikereke tša maina, Moody, ka moka mmogo. Eupša mo go bile ye tee . . . Ka mehla tsošetšo e tšea e ka ba mengwaga ye meraro fela. Eupša ye e tšwetše pele lebaka la mengwaga ye lesometlhano, gomme ga go na le kereke ya leina ye e tšhetšego godimo go tšwa go yona, ka gore ye ke nako ya Peu. Fao ga go sa na le mooko; ka morago ga mooko wo motee o sepetše, ke Peu.

⁸² Modimo o loketše, ge A sa e dire bjale, O ya go biletša Kereke go ya phethagalong ka Lentšu la Gagwe, Jesu Kriste. Elang hloko, fao go swanetše go ba karabo felotsoko, gomme ka Gore, sephiri sa mahuto-šupa sa Modimo, Mahuto a a Šupago.

⁸³ Ke ba bakae ba kwišišago seo, emišetša seatla sa gago godimo. A re boneng. Ke a nagana ba bantšintšintši ba bona ke phuthego ya rena go tšwa tikologong, theeletša. Ge go se bjalo, dipuku di tla tšwa gabotse ka pela, godimo ga thuto. Re na le dipuku, tše dingwe dipuku ka Yona bjale.

⁸⁴ Jesu, ka go hlogotaba ya rena, o re laletša go ya morago mathomong, bakeng sa karabo ya therešo ya Lengwalo.

⁸⁵ Bjale, ge A be a lebane serokaphatla le ye, fao go be go na le dilo tše pedi ponagalong. Baprista ba rile go Yena, “A monna a ka kgona go lahla mosadi wa gagwe, a nyala yo mongwe, ka baka le le itšego?”

Gomme Jesu a re, “Go be go se bjalo go tloga mathomong.”

Ka gona ba re, “Moshe o re dumeletše lengwalo la tlhalo, le go mo lahla ka eng kapa eng ba bego ba nyaka.”

⁸⁶ A bolela, “Gore, Moshe o dirile seo ka baka la gore,” ke hlephiša lenti leo lebakana, “ka baka la bothata bja dipelo tša lena; eupša go tloga, goba mathomong go be go se bjalo.” Potšišo!

⁸⁷ Potšišo lehono, bjalo ka ya khutšo ya lefase, “A etla ka dipolotiki, unione ya ditšhaba, kopano?” Ke re go lena, aowa. Ka mehla e feitše, gomme e tla dira gape. Eupša fao go šala karabo ya therešo go potšišo, “A fao go tla ba khutšo godimo ga lefase?” Eye, ge sebe se tlošitšwe godimo ga lefase, fao go tla ba le khutšo. Eupša go fihla nako yeo, fao go ka se be le khutšo; “setšhaba se tla tsoga kgahlanong le setšhaba, le mmušo kgahlanong le mmušo.” Modimo o file sehlare sa sebe. Theetšang sekgauswi bjale. Modimo o file sehlare se go fediša sebe go tloga lefaseng, eupša motho wa lefase a ka se amogele sehlare sa Modimo.

⁸⁸ Modimo o re file sehlare le tsela ya go nyala basadi ba rena le go phela le bona, eupša motho a ka se amogele sehlare sa Modimo, re ka se amogele Lentšu la Gagwe godimo ga sona. Jesu o boletše se. Gomme se se re gopotša a—a Gagwe Mantšu, go tseba gore O rile, “Legodimo le lefase di tla feila, feta go tloga, eupša la Ka le ka se ke.”

⁸⁹ Potšišo, karabo ya therešo yeo Jesu a nyakago re eya morago go yona, ke go ya morago mathomong. Ka gona, yeo e tla ba ka go Genesi, ka baka la gore lentšu *Genesi* ke tema ya peu go potšišo ye nngwe le ye nngwe ya Beibele. Gomme ka mehla le swanetše go ya morago go peu go bona gore ke mohuta mang wa peu e lego ka tšhemong, go hwetša se mabele a gago a tlogo go ba sona. Bjale, ke peu ya mohuta mang ye e bjetšwego? Genesi, e lego tema ya peu, re tla ya morago go Genesi. Jesu o re tsebišitše go Lengwalo leo, “mathomong.” Bjale, elelwang, moo ke ge nako e be e thoma go thoma. Pele ga fao, e be e le Bokagosafelego. Bjale, potšišo ya rena fao e be e le, elang hloko, ge re eya morago mathomong.

⁹⁰ Bjale le se ke la feila se! Gomme leo ke lebaka le ke nyakago go bolela ka go nanya, gore batho ka ntle ka metatong, le gore theipi e tla e bolela ka go kwagala.

⁹¹ Ge Jesu a rile, “Eyang morago mathomong,” fao go be go le para ye tee ya eng kapa eng lefaseng. Fao go be go le Adama yo motee, le Efa yo motee, ba be ba kopantšwe ke Modimo a

mnoši. Pere ye tee ya tshadi, ye tee ya tona; parrote ye tee ya tshadi, ye tee ya pholo. “Mathomong,” bjalo ka ge A re boditše go ya morago, fao go be go le para ye tee feela ya eng kapa eng. A seo ke therešo? [Phuthego e re, “Amene.”—Mor.] Ka gona, re hwetša gore selo se sengwe le se sengwe “mathomong” se be se sepela ka tshepedišo ya go phethagala le kwano le Modimo, ga go selo se bego se se taolong.

⁹² Selo se sengwe le se sengwe legodimong se sa le lenaneong; ka moka dinaledi, makoko, lenaneo la lefaufau, selo se sengwe le se sengwe se tshepedišong ka go phethagala. Ye tee ya tšona ya šutha, e tla šitiša lenaneo lohle.

⁹³ Bjale theetšang. Le a bona? Tšhitišo ye tee e sentše lenaneo lohle! Bjale, ge batho ba be ba sa sepela ka tšwelopele le Modimo, ka monna yo motee le mosadi yo motee, mosadi yo o dirile sebe gomme sa lahlela lenaneo lohle la lefase ka ntle ga tšwelopele le Modimo. Ka fao, lentšu le letee le le okeditšwego go Puku ye, goba Lentšu le letee le le tlošitšwego go tšwa go Yona, go lahletše Mokriste ka ntle ga go tšwela pele le Modimo, go lahletše kereke ka ntle ga go tšwela pele le Modimo, go lahletše lapa ka ntle go tšwela pele le Modimo. Modumedi yo mongwe le yo mongwe a ka kgona go lahlelwa ka ntle, ka go se amogele Lentšu le lengwe le le lengwe la Modimo.

⁹⁴ Ka gona, e bile mosadi yo a hlotšego karogano ya lapa la go ratega. E be e se Mokerubi yo a bego a tshwenya lefase. E be e se Adama yo a go lahlela lapa ka ntle. E be e se se sengwe gape se sa go lahlela lapa ka ntle, le go lahlela selo sohle ka ntle ga go tšwela pele, eupša mosadi, Efa. Gomme ke fao e lego “mathomong,” ao Jesu a boletšego ka wona, a robegile. Jesu o rile, “Mathomong, Modimo o dirile monna yo motee, mosadi yo motee, wa mohuta wo mongwe le wo mongwe.” Gomme bjale ge mosadi yo . . . e sego pere ya tshadi, e sego mpša ya tshadi; eupša mosadi, o robile go tšwele pele gohle ga Modimo ga go šoma lefaseng, gomme a lahlela selo se sengwe le se sengwe ka lehung. Mosadi, e sego monna, o robile kgwerano. O robile kgwerano, ka baka la gore (ka baka la eng?) a gatetše go tshela mellwane ya Lentšu la Modimo. Bjale, ge a robile kgwerano ya gagwe le monna wa gagwe, o robile kgwerano le Modimo; ka gona, ka gore o robile kgwerano le Modimo, o e robile le monna wa gagwe.

⁹⁵ Gomme ge o roba tshephišo ya gago le kgwerano ya gago go Lentšu la Modimo, seo ke se se hlotšego maloko a mantši a kereke a dihlabana, ka baka la gore sehlopha sa banna ba tšile mmogo gomme sa re, “Go lokile, Le be le sa re seo,” gomme se lahletše peakanyo yohle ka ntle ga go tšwela pele le Lentšu. “Ga re dumele Leo. Ngaka Jones o rile Le be le se bjalo.” Eupša ge feela Modimo a boletše gore Le bjalo, O rile, “a lentšu la motho yo mongwe le yo mongwe e be maaka, gomme la Ka e be Therešo!” Fao e roba go tšwela pele.

⁹⁶ Bjale re a bona, ka gore tšwelopele e robja, gona llaene ya Bophelo e ile ya robja, gape le llaene ya nako e ile ya robja, kgwerano e ile ya robja, selo se sengwe le se sengwe se ile sa šwalalana! Se hlotšwe ke eng? Mosadi. Ke seo se robilego kgwerano. Bjale, ge le nyaka go bala seo, le ka se bala, Genesi 3.

⁹⁷ Bjale, e bile nako yeo monna a go dirwa gore a buše godimo ga mosadi, ka Lentšu la Modimo. O be a sa hlwe a lekana le yena. O be a lekana ka tlhago, le a tseba; eupša, ge a robile Lentšu la Modimo, Modimo o dirile monna go buša godimo ga gagwe. Genesi 3:16, ge le nyaka go e bea fase. O be a sa hlwe a lekana le monna. E be e le morobi wa Lentšu la Modimo.

⁹⁸ A ga le bone, “yena,” yena, kereke tlase mo? Morobi wa Lentšu la Modimo, seo se mo lahleše ka go felela ka ntle ga go tšwela pele. Gomme seo ke se kereke e se dirilego, gomme ya lahlela lehu la semoya godimo ga selo sohle. Bjale le tla kwišiša gore ke ka baka la eng ke rothotha dilo tše ka mokgwa wo ke dirago. Ke Therešo! Ye ke dintlha tša Beibele.

⁹⁹ Elang hloko, ka baka la eng a dirile selo se sebjalo ka se; go kgonegile bjang yola wa go ratega, yo mobotse, wa go phethagala mosadi?

¹⁰⁰ Ke bone senepe nako ye nngwe, ke a dumela e be e le ka Greece, sa mothadi yo a pentilego senepe sa Efa. E be e le selo se se lebelelago go befa kudukudukudu o kilego wa se bona. Seo se laetša se monagano wa nama o kgonago go se lebelela. Eupša, o be a se bjalo; o be a le yo mobotse, ka baka la gore o be a le mosadi wa go phethagala, mosadi ka moka.

¹⁰¹ Elang hloko, ke ka baka la eng a dirile selo se sebjalo, a le ka leemo leo la godimo? O be a lokile le monna wa gagwe, a lekana le yena. Eupša re a tseba ka moka gore o lahlegetšwe ke go lekana ga gagwe le monna, ge a dirile sebe, gomme Modimo o rile, “Monna e tla ba mmušī wa gago go tloga mo go ya ntle.” Bjale, seo ke Lengwalo. Ge o nyaka go dira, re ka kgonago e bala.

¹⁰² Ke le fa Mangwalo, ka fao bolokang nako ka kgokagano ye kgolo ye go putlaganya naga, gore le ka e bala ka bolena.

¹⁰³ Elang hloko lebaka le a dirilego seo. Ke ka baka la eng Sathane a ile a fihla go yena?

¹⁰⁴ A le be le tseba gore Sathane o be a lekana le Modimo letšatši le lengwe? Nnete o be a dira, ka moka eupša mohlodi; o be a le selo se sengwe le se sengwe, o be a eme ka letsogong le letona la Modimo, Magodimong, Mokerubi yo mogolo wa go eta pele.

¹⁰⁵ Elang hloko lebaka le a dirilego se, o be a se ka tlholong ya setlogo. Ga a ka tlholong ya Modimo ya setlogo; ke setšwa go se sengwe. Ka fao, “mathomong,” bjalo ka ge Jesu a šupa go wona, o be a se sephedi sa setlogo sa go hlolwa ke Modimo. Ke setšwa go monna, ge Jesu a be a šupa go “mathomong.”

106 Elelwang, Adama o be a le mmogo bonna le bosadi, ka tlholong ya setlogo, yo motee, eupša ka gona o ile a aroganywa ka kgopo.

107 Elang hloko, eupša setšwa go se sengwe, gomme, elang hloko, yo motee a nnoši go tlholo ka moka ya Modimo, go phoofolo ye nngwe le ye nngwe le se sengwe le se sengwe gape, o be a le yo motee a nnoši yo a go hlangwa ka tsela ye. Tshadi ye nngwe le ye nngwe e be e le ka tlholong ya setlogo. Tshadi ye nngwe le ye nngwe gape e be e le ka tlholong ya setlogo, eupša Efa o be a se ka tlholong ya setlogo. Le a bona, seo se ile sa swanelwa ke go dirwa ka tsela yeo. Re tla go yona ka morago ga lebakana. Elang hloko, ka tlholong ya a bego a le ka go yona, e sego ka setlogong, eupša setšwa go se sengwe. Gomme ka tlholong ye, fao go na le . . .

108 Bjale ga ke nyake go gobatša maikutlo a lena, eupša ke nyaka go le botša Therešo. Gomme enong go dula ka go iketla; le dira gabotse.

109 Ga go selo se sengwe se se hlamilwego go ba sa bofora kudu, bjalo ka mosadi yo e lego wa go fora. Fao go ka se be selo gape; ga go selo se se dirilwego ka tsela yeo.

110 Gape, ga go selo se se ka kgonago go forwa bonolo kudu bjalo ka mosadi. Bjale, go wa go kgonthiša setatamente se go ba therešo, go wa mathomong.

111 O be a se ka tlholong ya setlogo mathomong. O be a le ka go Adama, eupša o be a se ka go bong bja mosadi, ka boyena, mathomong. O be a le sedirwa setšwa go se sengwe.

112 Bjale, fao ga go selo se se hlamilwego seo se kgonago go fora, le go forwa, bonolo bjalo ka mosadi. Fao ga go selo se se hlamilwego goba se kgonago go wela fase ka maitshwaro go swana le ka fao mosadi a kgonago. Naganang bjale. Ga go selo se se hlamilwego, ka go tlholo ka moka, se ka kgonago go wela fase ka maitshwaro bjalo go swana le ka fao mosadi a kgonago. A ka kgona go kgeila pelo ya monna go ba diripana ga bonolo go feta se sengwe le se sengwe se se lego gona lefaseng, ke mosadi wa gagwe. A nke mosadi yo mokaone yola yo monnyane a thome go kitima go dikologa le monna yo mongwe go se; lebelela mothaka yola a dutše fale le bana ba gagwe, megokgo e rotha go tšwa mahlong a gagwe. O hlamilwe ka tsela yeo. O hlamilwe go dira se. Fao ga go kolobe, ga go mpša, goba phoofolo ye nngwe, e hlamilwego bjalo ka yena goba go kgona go inamela fase ka mo a ka kgonago go inama. Bjale, seo ke therešo.

Ka go hlompha dikgaetšedi tša ka, ke no nyaka le hlokomela.

113 Ga go phoofolo ye e kgonago go hloka boitshwaro. Le kgona go bitša mpša “sefefe,” mpša ya tshadi, le bitša kgotho. . . kolobe “poo,” eupša maitshwaro a yona a milione wa dimaele ka godimo ga dinaletšana tše ntši tša Hollywood.

Ke ka tsela yeo a hlamilwego go inamela fase. Ga a kgone. . . E no nagana ka se bjale. Fao ga go selo lefaseng, se se dirilwego ka tlhologo ya Modimo, se ka kgonago go hloka maitshwaro, sa inamela bofase bjo.

114 Le re, “Ema motsotso, ‘monna!’” Re ya go tla go seo. Mosadi o swanetše gore “eye.”

115 Elang hloko, ga go selo se sengwe se se hlamilwego go inamela fase, goba sa ba bohlaswa, ge e se mosadi. Mpša e ka se kgone go bo dira, kolobe e ka se kgone go bo dira, nonyana e ka se kgone go bo dira. Ga go phoofolo ye e hlokago maitshwaro, ebile e ka se kgone go ba, ka gore ga ya hlongwa ka fao e ka kgonago go ba. Kolobe ya tshadi e ka se kgone go hloka maitshwaro, mpša ya tshadi e ka se kgone go hloka maitshwaro, nonyana ya tshadi e ka se kgone go hloka maitshwaro. Mosadi ke selo se nnoši se ka kgonago go se dira.

116 Bjale le bona fao Sathane a ilego? Le a bona? Eupša go le bjalo o na le, ke yena a nago le maatla a gore “eye” goba “aowa.” Le a bona, go ya le gore ke kae mo a nyakago go itshwareletša ka boyena. Le a bona? Bjale mo re kgona go bona peu ya serpente molaleng, fao e tšwago gona. Fao go na le lefelo le tee feela a bego a ka kgona go ya. Ge seo se ka se e kokotelle fase, yo mongwe o foufetše. Le a bona? Le a bona, e be e swanetše go ya go seo.

117 Elang hloko, lebaka leo diphoofolo di sa kgonego go se dira, phoofolo ya tshadi, di be di le ka tlholong ya setlogo. Eupša mosadi o be a se ka tlholong ya setlogo. Bjale re ya morago go epollela se godimo, ka gona go le tliša thwi fase go letšatši la sebjalebja, ka Tastamenteng.

118 O hlametše, a nnoši, bohlaswa le bophelo bja go se hlweke. Mpša e ka se kgone, gomme ga go tshadi ye nngwe e ka kgonago. E no ba mosadi a ka kgonago. Mpša goba phoofolo efe kapa efe, gatee ka ngwaga, gomme seo go dira bana ba yona; e sego maipshino a thobalano, eupša bana ba yona. Kolobe poo ya go tšofala, mpša sefefe ya go tšofala, gatee ka ngwaga, lebaka le letee, leo bakeng sa bana ba yona. Eupša mosadi o hlametšwe nako ye nngwe le ye nngwe ge a kganyoga. Ke na le dilo di putlagane ntle mo bjale; le ka kgona go eleletša tše dingwe. Mpša ga e kgone; mosadi o a kgona. Ke a holofela gore Moya wo Mokgethwa o utolla sohle sa se ke se putlagantšego ntle mo.

119 Ke mohuta o nnoši, mohuta wa mosadi wo o dirilwego wo mobotsebotse, go feta monna. Fao ga go mohuta wo mongwe magareng ga eng kapa eng. Ka moka tše dingwe dibopša tša Modimo ke di poo tše botse, go swana le ka diphoofolong, dinonyana, le go ya pele, ka mehla pholo ke ye botse.

120 Lebelela tholo ye kgolo ya poo, dinaka tše kgolo tše kaone, mohuta wo mogolo; le tshadi ye nnyane, ya go

kokobela. Lebelela mokoko wo mogolo le ka moka mafofa a wona a mabotse; le se sennyane, se se porawene sethole. Lebelela dinonyana, mokoko le sethole. Ka baka la eng, ka baka la eng e be e le bjalo, go dibopša ka moka tša Modimo? Sebopša se sengwe le se sengwe, ka go poo ke se sebotsebotsebotse. Magareng ga dinkung, magareng ga—ga dikolobe, magareng ga dipere, magareng ga eng kapa eng gape, ka moka ke poo ye kgolo ye e lego ye botse, le ka go dinonyana.

¹²¹ Eupša ka lelokong la batho, ke mosadi yo e lego yo mobotse, e sego monna; ga e le yo mobotse, fao go na le selo se sengwe se fošagetše, fao go na le go tswakana ga peu felotsoko. Setlogo go ka tsela yeo. Ka baka la eng, ka baka la eng e dirilwe? Go fora ka bjona. Mohlami wa gagwe, Sathane, o sa šoma godimo ga gagwe, le bjale, ka mo matšatšing a mafelelo.

¹²² A ke eme mo lebakana feela. “Bobotse!” A le be le tseba, tshenyo ya mathomo, ditšhabatšhabeng, ya lefase, goba lefase tšekelele, e bile ka baka la botse bja basadi? “Ge barwa ba Modimo ba bone barwedi ba batho e le ba babotse, ba itšeela basadi go bona.” A seo ke therešo?

¹²³ A le etše hloko go oketšega ga botse ga basadi matšatšing a? Ke bone senepa sa Pearl O’Brien, yo a bego a tšewa go ba mosadi yo mobotsebotsebotse ka setšhabeng, nako ye tee. Fao ga go mosetsana wa mahlalagading ka sekolong se eupša ge e se yo a ka mo phalago, ge go etla go botse.

¹²⁴ Go oketšega ga botse ga basadi go laetša nako ya phoro. Ke neng mo kereke e kilego ya lebelelega botsebotse bjo bo itšego kudu go feta ka fao e dirago lehono? Selo se sengwe le se sengwe se tšweletša ye megolo, ye megolo ye mekaone meago, le dimilione tša *se* le dimilione tša *sela*. A ga le bone, “yena,” ke phoro!

¹²⁵ Bjale, fao ga go selo se se ka inamago bjalo ka yena, gomme o hlamilwe gore a kgone go fora. Gomme Sathane ka nnete o šoma godimo ga gagwe lehono, ka mo matšatšing a mafelelo, ka baka la gore ke mohlamu wa gagwe. Nka kgona go kgonthiša seo bjale. Go ya morago thwi mathomong, ke mang yo a thomilego go šoma godimo ga gagwe, Adama goba Sathane, Modimo goba Sathane? Le a bona, yoo ke mohlamu wa gagwe. Ke sebetša segolo sa gagwe go lahlela monna bohlasweng bja gagwe, e bile mosadi yo mobotse, a ka kgona go retollela monna tseleng efe goba efe a nyakago go dira. Ngwanešu, ga se lefelo la botagwa tlase mo le le swarago monna; ke mosadi yo mobotse yo a sepelago go theoga seterata, a inyokanyokiša ka boyena, a apere seripana. Seo ke se se tšea . . . Yoo ke mofori thwi fao. Gomme o a bolaya ka yona, go bolaya ka go felela. O ka no mpotšiša ka Sathane go ba mohlamu wa gagwe, eupša seo ke Therešo. Sathane o mo hlamile. O sa e dira.

126 A nke ke le laetše selo se sengwe ka Lengwalong. Ke swanetše go le tšeela morago Lengwalong, gomme le tla goga kgopolo ya lena ge le se lebeletše lehono.

127 Sathane ke yena a tšweletšago mohuta woo wa botse. Ge re ka ela hloko, e be e le yo mobotsebotsebotse go Barongwa ka moka Legodimong. A seo ke therešo? Gomme o be a duma go dira Legodimo lefelo le lebotse kudukudu go feta mmušo wa Mikaele. A seo ke therešo? Gape, go laetša gore Kaine e be e le morwa wa gagwe, o neetše tirelo ye botse kudukudu, aletara ya go kgabišwa ka dienywa le mapolomo, le go ya pele. A seo ke therešo? Botse! Sebe ke se sebotse, seo re se bitšago botse lehono. Gomme sebe se a fora, ka botse. O ka se tsoge o lebeletše mosadi a eya go theoga seterata gomme wa bolela se se lego ka pelong ya gagwe. Le a bona? Eupša ke be ke nyaka go bolela dilo tše gore le kgone go bona gore ke ka baka la eng Sathane e le mohlami wa gagwe. Seo ke therešo tlwa, morwa wa gagwe o se kgonthišetše, Kaine. Bjale, ke yo mobotse gore a kgone go fora.

128 Lefase ke le lebotse gore le kgone go fora. Ke ra *khosmose*, tshepedišo ya lefase. Ke le lebotse gore le kgone go fora, mafelo a magolo a makaone le manongonongo.

129 Elelwang moporofeta, Amose, ge a etšwa godimo gomme a lebelela fase ka toropongkgolo, gomme a e bona bjalo ka Hollywood ya sebjalebja, mahlo a gagwe a mannyane a kgale a ba a mannyane, ka tlase ga moriri wo mopududu o lekeletše ka sefahlegong sa gagwe. Gomme a sepelela tlase kua ka Molaetša, gomme a O thuntšetša ntle lefelong leo. A re, “Yena Modimo yo le tleimago go mo direla, o tla le fediša!” Seo ke therešo.

130 Sebe ke se sebotse. Ba swantšha Judas bjalo ka mohuta wa letagwa la kgale ntle mo ka seterateng felotsoko, le molomo o lepeletše le dintšhi ka gare ga wona, le go ya pele, bjalo ka Judas. Judas e be e le yo mobotse, wa go tia, mofori. Ga se moisa yo o ka mmogelago tikologong ya gago, ga se moisa yo (molemi wa kgale) a tlogago ka gare a apere para ya dioborolo, go hlokomela tikologong ya mosadi wa gago; ke setswatswa sela, ke legwaragwara.

131 Sebe ke se sebotse go mahlo a lefase, eupša Modimo ga a tšwelele ka mohuteng woo wa botse. A le be le tseba seo? Modimo o tšweletša ka semelong, semelo se sebotse.

132 Ka Beibeleng, Jesaya 53, ge le nyaka go bea Lengwalo fase. E na le methalo ya Lengwalo e ngwadilwe mathoko mo a yona. Jesaya 53, Beibele e boletše ka Morena wa rena Jesu, gore, “Fao go be go se botse bjo re bego re ka bo kganyoga go Yena. Gomme ra uta difahlego tša rena go tloga go Yena.” A seo ke therešo? Re be re sa Mo kganyoge, ka baka la gore O be a se botse. Go molaleng gore e be e le mothaka yo monnyane, magetla a go kobama, wa go lebelelega-bohubedu, gomme O be a sa kganyogege go ba

moetapele. O be a sa lebelelege bjalo ka moetapele. O be a bolela polelo ya seterata ya go tlwaelega, le go ya pele, go swana le ka fao batho ba dirago, batho ba go tlwaelega, ka fao O be a sa lebelelege mo o ka rego O be a le moithuti yo a itšego yo mogolo, wa go rutege, yo mokaone, ka moka a apere gabotse, le se sengwe le se sengwe. O be a no ba Monna wa go tlwaelega. “Fao go be go se botse go Yena, bjo re bego re ka bo kganyoga ka Yena.” O be a sepelela ka gare le ka ntle ga monna, thwi mmogo, ba be ba bile ba sa tsebe gore O be a le Mang. O be a sa lebelelege bjalo ka modimo a sepela mmogo, se re bego re ka nagana gore e be e le modimo. Eupša, go swana, O be a le!

¹³³ A le kile la ela hloko ge Morena Modimo a rile go—go Samuele, “Eya godimo ntlong ya Isai gomme o tlotše yo motee wa barwa ba gagwe, kgoši, go tšea lefelo la Saulo?”

¹³⁴ Bjale, batho ba ile ba kgetha Saulo, ge Samuele ka go felela a ba boditše gore ba se ke ba e dira. O rile, “Modimo ga a nyake le eba le kgoši; Ke yena Kgoši ya lena.” Gomme o rile, “A nkile ka bolela eng kapa eng go lena, Leineng la Morena, eupša se se tšilego go phethega? A nkile ka le kgopela tšhelete goba selo se sengwe, sengwe, bakeng sa bophelo bja ka?”

¹³⁵ Ba rile, “Aowa, ga se wa ke o re kgopela tšhelete. Gomme eng kapa eng o e boletšego, Leineng la Morena, e tlile ya phethagala. Eupša re nyaka kgoši, go le bjalo,” ka fao ba kgetha Saulo. Lebelelang se lefase le se kgethilego! Lebelelang se Israele e se kgethilego! Israele, motlotšwa wa Modimo, ba kgethile monna yo a bego a le hlogo le magetla ka godimo ga monna yo mongwe le yo mongwe ka setšhabeng; yo mogolo, yo motona, wa gabotse, mothaka wa go lebelelega-botse, gomme ka mehla o be a le ntšhi ka setlolong.

¹³⁶ Eupša Modimo o rile, “Ke ya go le kgethela kgoši go kgetho ya Ka.” Ka fao O rile, “Samuele, Nna ga ke ye go go botša gore ke mang, eupša eya godimo kua. Ke yo motee wa barwa ba Isai.”

¹³⁷ Gomme Isai, mosadi wa gagwe, le ka moka ga bona ba lebelela go dikologa, ba re, “Eye, morwa wa rena yo mogologologolo, ke yo mogolo, yo motelele, monna yo mobotse, o tla lebelelega gabotse ka korono ya kgoši. Ke yo mokaone. O rutegile. Ke monna yo mokaone. Ke a tseba o tla no ba gabotse. O bolela lentšu la gagwe ka maleba.”

¹³⁸ Ge ba mo tlišitše ntle, Samuele a tšea sedibelo sa makhura gomme a ya go mo lebanya. A re, “Aowa, Morena a mo gana.” Gomme a ya tsela ka moka go theoga, go barwa ba tshela, gomme Morena a gana yo mongwe le yo mongwe wa bona. A re, “A fao ga go sa na le yo mongwe yo motee?”

¹³⁹ “Oo,” a re, “eye, fao go na le yo motee, o morago kua o dišitše dinku. A nno dula morago kua gomme a raloka dipina,

gomme o a e opela, gomme o a goelela, o ya pele. Eupša, ke yo monnyane wa kgale wa magetla a go kobama, moisa wa go lebelelega-bohubedu, a ka se tsoge a dira kgoši.”

¹⁴⁰ A re, “Eyang le mo tšee.” Bjale ge Dafida a etla ponagalong ya moporofeta, moporofeta a kitima ka makhura gomme a e tšhela godimo ga hlogo ya gagwe, a re, “Yo ke mokgethiwa wa Modimo.” E sego botse; eupša semelo. Modimo o lebelela semelo.

¹⁴¹ Motho o lebelela botse bja tlhago. Bo a fora. Gomme ke ka baka leo mosadi a fetšwego botse bjoo, phoro, go fora. Mosadi yo mobotse, ge a sa bo šomiše ka tsela ya maleba, ke thogako go yena; bo tla mo romela heleng ka potlako go feta selo se sengwe le se sengwe gape ke tsebago ka sona. Ge a no. . . Ge a ka kgona go ba yo mobotse, nnete, ge feela a dula le monna wa gagwe le go dira se se lokilego, gomme seo—seo ke se sekaone le sa bothakga. Eupša a ka kgona go tšea selo se se swanago gomme, nna, ka fao a ka kgonago go fora ka bjona, ka baka la gore o bo filwe go dira bjalo.

¹⁴² Elang hloko, bjale, eupša Modimo o tšweletšwa ka semelong. “Fao go be go se botse bjo re ka kganyogago Jesu ka bjona,” eupša fao ga se gwa ke gwa ba semelo se se bjalo ka Yena, lefaseng.

¹⁴³ Bjale re a hwetša, lehono, gore se—semelo sa kereke, Sathane le sehlopha sa gagwe, ba lebelela ka morago ga tše kgolo, tše botse dikereke, dilo tše botse. Seo ke se lefase le se lebelelago lehono. “Oo, ke modiša, yo mogolo *semang-mang* nako, *semang-mang*, wa boprista le bomodimo, a sepelela ka ntle, dikobo tše kgolo tše, le dilo tše bjalo ka tšeo.” Ba bitša seo botse.

¹⁴⁴ Eupša bakgethwa ba nnete ba Modimo ba lebelela semelo sa Lentšu le le hlatsetšwego.

¹⁴⁵ Seo ke se bakgethwa ba se dirilego letšatši leo, ge ba bona Jesu. O be a se selo sa go lebeletlwa, eupša ba bone gore Modimo o be a le ka go Yena. Ba bone gore Modimo o be a na le Yena.

¹⁴⁶ Ke ka fao bao, Joaba le dimelo tšeo le Dafida, mothaka yo monnyane wa kgale, eupša ba bone mo—monna o be a le ka go yena. Ba bone gore Modimo o be a le ka go yena, gomme ba ile ba tseba gore o be a etla ka maatleng letšatši le lengwe. Ba. . . Yo motee o bolaile bona ba bangwe ba bahlano bana babo Goliata, ka seatla-setee. Yo motee o bolaile banna ba makgolotharo; ge basadi ba be ba topela matena dinawa, gomme madira a be a ile, gomme a tšea lerumo gomme a bolaya banna ba makgolotharo, Bafilisita. Semelo! Ka baka la eng? Ba dutše thwi kgauswi le Dafida. Ba be ba tseba gore tlotšo e be e le godimo ga gagwe, gomme ba be ba tseba gore o be a etla ka maatleng.

¹⁴⁷ Senepe sa go hlweka sa Kereke lehono ye e tlogo go ema ka Lentšu! Re a tseba gore Le ya go dirwa go hlatselwa. Re a tseba Le tla ka maatleng letšatši le lengwe. Le ge Saulo. . .

Gomme o be a le moneneri go tšwa go ditšhaba tšohle, eupša ba be ba tseba gore o be a etla ka maatleng. Re a tseba O tla ka maatleng, le yena, ka fao re tšea Lentšu lela gomme re ema thwi fao, go sa kgathale gore le tura eng. Ge re swanetše go ripa Bafilisita, goba go tabogela ka moleteng le go bolaya tau, bjalo ka ge yo motee a dirile, re a ya go le bjalo, ka baka la gore ke...yeo ke tsela ye Modimo a e hlamilego go ba. Re lebelela semelo.

¹⁴⁸ Le ka no mpotšiša bjale, “Ka baka la eng A mo dumeletše go hlangwa bjalo?” Ga ke nyake go tšea nako ye ntši kudu, ka baka la gore ke na le bontši go bolela mo. “Ka baka la eng,” potšišo e ka no tsoga gona, “ka baka la eng Modimo a dirile mosadi yo ka mokgwa wo? Ka baka la eng A mo dumeletše go ba ka mokgwa woo?” E be e le ka kgahlego ye botse ya Gagwe Mong. Nnete.

¹⁴⁹ Bjale ge o nyaka go phetla ka Beibeleng ya gago motsotso feela, a re phetle Baroma 9, motsotso feela, le go le laetša selo se sengwe, ka fao Modimo a dirago dilo tše, ge le nyaka go—go e bala. Gomme re kgona go bona mo se Modimo a se direlago kgahlego ye botse ya Gagwe Mong. Baroma 9:14.

Ka gona re ka reng bjale?

A fao go na le go se loke pele ga Modimo? . . .

¹⁵⁰ Ge a kgethile Esau, goba a kgethile Jakobo gomme a gana Esau, pele ga ge mošemane yo mongwe le yo mongwe a se a be a ba le tokelo ya go dira kgetho, ka boyena, le yo motee wa bona; pele ga ge ba tswalwa, ba sa le ka popelong ya mme, Modimo o rile, “Ke hloile Esau, gomme ke rata Jakobo.” Le a bona? Ka baka la eng?

Ka gore o rile go Moshe, Ke tla gaogela yo Ke tlogo go mo gaogela, gomme Ka ba le kwelobohloko go yo Ke tlogo go ba le kwelobohloko godimo ga gagwe.

Ka fao gona ga se...yo a ratago, goba...yo a kitimago, eupša ke Modimo yo a laetšago mogau.

Ka gore lengwalo le rile go Farao, Le ka morero wo o swanago Ke go tšošitše, gore Ke laetše maatla a ka ka go wena, le gore leina la ka le kgone go bolelwa go kgabola lefase ka moka.

Ka fao a... (bjale hlokomelang mo)...ka gore o... gaogela yo a tlogo go mo gaogela, gomme o tla dira yo a tlogo go mo thatafatša.

Wena o tla re...go nna, Ke baka la eng gona a dira...hwetša dipošo? Ka gore ke mang yo a ganeditšego thato ya gagwe?

Aowa eupša, O motho, o mang wena o phegago kgahlanong le Modimo? A selo se se bopilwego se ka re go yo a se bopilego, Ka baka la eng o mpopa se?

A mmopi ga a na le maatla godimo ga letsopa, mokgoloko wo o swanago o dira sebjana sa go hlomphega, le se sengwe sa go nyatšega?

Go rata reng ge Modimo, a rata go laetša bogale bja gagwe, le go dira maatla a gagwe a tsebja, a dula a le gona. . . go sefelepele go sebjana sa bogale se swanetše go senywa:

. . . gore a kgone go tsebiša mahumo a letago la gagwe godimo ga sebjana sa mogau, se a se lokišeditšego pele go ya letagong.

¹⁵¹ Bjale phegišanang le Seo lebakanyana. Modimo o se dirile! O ile a swanelwa go se dira ka tsela ye. Se ile sa swanelwa ke go ba fao. Bjale theeletšang bjale e ka bago metsotso ye mehlano, ke nyaka go biletša kelohloko ya lena go selo se sengwe.

¹⁵² Modimo ke eng? Modimo o Bokagosafelego mo gogolo. Mathomong, tsela morago pele ga ge fao go be go le mathomo, O be a se Modimo. A le be le tseba seo? *Modimo* ke “selo sa go direlwa,” gomme fao go be go se selo go Mo direla. O be a phela a nnoši.

¹⁵³ Gomme ka go Yena go be go le megopolo. Na kgopolo ke eng? Mogopolo. Bjale le tla hwetša selo se sengwe se se kago go dira mollwane wa thuto ya bošegong bjo. Elang hloko, O be a le megopolo ya Gagwe ye e bego e le ka go Yena. Bjale, go be go le ka go Yena go ba Tate, go be go le ka go Yena go ba Modimo, go be go le ka go Yena go ba Morwa, go be go le ka go Yena go ba Mophološi, go be go le ka go Yena go ba Mofodiši. Gomme ka moka dilo tše mo di no pealatša megopolo ya Gagwe. Fao ga go selo se lego ka ntle ga tshepedišo. Le nagana gore Modimo ga se a ke a bona mafelelo go tloga mathomong? Ka nnete, O dirile. Fao ga go selo se lego ka ntle ga tshepedišo, se no pealatša megopolo ya Gagwe.

¹⁵⁴ Bjale, A ka se kgone go ba wa *toka* gomme a dira motho gore a we. O ile a swanelwa ke go mmea motheong wo o lekanego, wa moemedi wa tokologo ya maitshwaro, go dira kgetho ya gagwe mong, eupša a tseba gore o be a tlile go wa.

¹⁵⁵ Bjale, A ka se kgone go ba Mophološi ge e se ge selo se sengwe se lahlepile. A ka se be Mofodiši ge e se ge selo se sengwe se babja. Dilo tše di swanetše go ba ka tsela yeo. Modimo o di dirile bjalo gore dikgopolo tša Gagwe tše kgolo di kgone go pealatšwa. Ge fao go ka be go se seo, Yena nkabe a se a ke a ba Mophološi. Eupša re a tseba gore O be a le, le pele ga ge fao go eba nako, O be a le Mophološi. O be a le Mophološi, ka fao moo go swanetše go ba selo se sengwe se se lahlepilego. Se ya go ba bjang?

¹⁵⁶ Ge A tšea gomme a se timetša, feela go no re a se phološe, gona ga se toko go kahlolo ya Gagwe. O be a ka se kgone

go romela motho heleng, gomme a loka. Yena ke yo botho, yo boleta, wa nnete, wa go botega, gomme Ke Moahlodi yo mogolo. Le a bona, O tla be a šoma kgahlanong le Yenamong.

¹⁵⁷ Ka fao O ile a swanelwa ke go bea motho ntle mo, gomme a mo dira moemedi wa maitshwaro a tokologo, gore a, ka go tseba, gore o be a tla wa; gomme motho, ka seswantšho sa Gagwe Mong, o be a ka wa bjang? Bjale le bona Seetša sa letšatši? Ka fao, O ile a swanelwa ke go dira setšwa go se sengwe, selo se sengwe go tšwa go tlhola ya setlogo. Bjale le a e bona. Le a bona? Le tla fao. Le a bona? Ka gona, seo ke se se welego. O se dirile, o tseba gore se be se tla wa. Gomme se bewa godimo ka diatleng tša Sathane, go ba sebjana sa go se hlomphege. Tlhomphe e bewa kae lehono? Le nagana ka seo. Elang hloko sekgauswi bjale.

¹⁵⁸ Ka gona gape, ka baka la eng a hlamilwe ka tsela ye gomme e sego go swana le ditshadi tše dingwe, ka baka la eng mosadi a hlamilwe bjalo gomme e sego ditshadi tše dingwe? Ga go le e tee ya ditshadi tše dingwe e hlamilwego ka mokgwa woo. Ga di bjalo, lehono. Di ka se kgone. Ga se ya dirwa ka tsela yeo, a ka se kgone go e dira. Ka baka la eng A se a dira tshadi ye gona, mosadi, go no swana le ditshadi tše dingwe, gore a no ba ka tsela ye e swanago, gore a no kgona go godiša bana ba gagwe? Gona o be a tla ba le monna wa gagwe, gomme a phela; gomme ge go etla nako ya ngwana wa gagwe, o be a tla ba le ngwana. Ka baka la eng, ka baka la eng A mo dirile ka mokgwa wo?

¹⁵⁹ Nka se kgone go bolela mantšu a. Gomme le kwišiša se ke bolelago ka sona, a ga le dire? Ge le kgona go kwišiša, e reng “amene.” [Phuthego e re, “Amene.”—Mor.] Ya. Le a bona? Fao go na le basetsana ba baswa ba dutše mo, le bašemane ba baswa, le a bona. Eupša le a tseba, phoofolo e swanetše go tla go nako ye e itšego ya ngwaga, le mogwera wa yona, ka gona seo ke ka moka. Eupša, mosadi, ke nako ye nngwe le ye nngwe. Gomme ka baka la eng A mo dirile ka mokgwa wo?

¹⁶⁰ Bjale hlokomelang lenaneo la Gagwe le legolo ge le tatologa, ge re eya pele go kgabola mo bjale, ka go phethagala ka fao go phethagala go bago. Ke be ke sa tsebe se go fihla letšatši le lengwe.

¹⁶¹ Ka baka la eng A se a mo dira ka mokgwa woo mathomong, bjalo ka ditshadi tše dingwe tša Gagwe? Ka baka la gore go ka se be botse go Yena. Ke Yena Mothopo wa tlhweko ka moka. Ke ka baka leo A ilego a tlogela Sathane go mo swara, se a se dirilego ka phapogong. Sebopša se sebjalo se be se tla ba, se be se ka se tle go Yena, seo se se hlametšwego setlogong.

¹⁶² Ka moka mešomo ya Gagwe ye A e hlamilwego, ka setlogong, e tšwelopeleng. Ka moka mešomo ya Gagwe ya setlogo e be e le tšwelopeleng. Mpša ya tshadi, mpša ya kgoto; le a bona, kgomo ya tshadi, kgomo ya poo; selo se sengwe le se sengwe ka

tšwelopeleng. Tlhago ka moka e tšwelopeleng. Peu e a hwa, e ya ka mabung; go no swana le lehu, poloko, tsogo. Mohlodi o ya tlase go tšwa mohlareng, o wiša letlakala la wona, o tla morago ngwaga wo o latelago ka tsogo ya letlakala le leswa. Le a bona se ke se rago? Selo se sengwe le se sengwe, le tlhago, ya Modimo, ka moka e ka tšwelopeleng, ka go e tee; gomme mo go mohlami yo motee go tšwa tšwelopeleng ya Modimo. Tlhago e hlamilwe mo e lego gore e ka se kgone go dira sebe. Naganang! Tlholo ya setlogo, ya Modimo, e be e sa kgone go dira sebe.

¹⁶³ Oo, a ga le e bone bjale, ka mo ponaganalong ye, phapošo ya kereke? La setlogo ke Lentšu la Modimo! Fao ga go sebe ka go Modimo. Le a bona se ke se rago? Sese sebopša se se tšilego go beng gona ka phapošo. Modimo o ya go ba le Kereke, eupša lebelelang selo se sa go fapošwa ba nago naso ntle mo.

¹⁶⁴ Modimo o na le bonna le bosadi. Eupša, mosadi yo, le a bona, tšona dika tša yona di laetša morago se se bego se le ka monaganong wa Modimo. Re ka kgona go tšea iri, goba tše pedi, gomme ra ripaganya seo fase. O . . . O diretše sebopša se tsela yeo, O dirile sebopša gomme a se retolla gore Sathane a kgone go mo swara, gomme o dirile. O sa mo swere le bjale. Bokaonekaone e be e le gore a tšhabele Sefapanong, bjalo ka monna, le yena.

¹⁶⁵ Elang hloko, ka moka tlhago e kitima ka tšwelopele. Ge nkabe A ile a dira mosadi ka tlholo ya setlogo ye e swanago, fao nkabe go se na le sebe, ka baka la gore nkabe a se a kgona go se dira, nkabe a se a kgona go se dira. Ke phapošo ya tlholo ya setlogo.

¹⁶⁶ Ka fao ka moka sebe ke phapošo ya Therešo ya setlogo! Maaka ke eng? Ke Therešo ye e fapošitšwego. Bootswa ke eng? Ke tiro ye botse ye e fapošitšwego. Ka fao fao go na le sebopša se se fapošitšwego, fao go selo sohle se se fapošitšwego. Gomme selo sohle se peletwa s-e-b-e, se robetše thwi fao. Ke ka baka leo potšišo e lego ye kgolo kudu.

¹⁶⁷ Seripa feela, lentlhakga, le dirilwe go tšwa go monna, go mo fora ka sona; Modimo o se dirile, thwi fa e e kgonthištše. Seo ke se a se diretšwego.

¹⁶⁸ Mosadi wa go hloka maitshwaro ke selo sa fasefasefase se go ka gopolwago ka sona, lefaseng. Swarelang se, bahumagadi ba baswa. Yena ga se selo eupša motomo wa matlakala, sebonatša thobalano. Ke ka moka a lego sona, mosadi wa go hloka maitshwaro, ke motomo wa matlakala a thobalano wa motho, tšhilafatšo, moo bohlaswa, tšhila, boleng bja fase, bohlaswa bja tlase-fase bo tšweleletšwa ke yena. O diretšwe eng ka tsela ye? Phoro. Sebe se sengwe le se sengwe se se kilego sa ba lefaseng se hlotšwe ke mosadi.

¹⁶⁹ Gomme mofetleki go no tšwa Chicago, mo—mosadi o ngwadile athikele ye, maatla a sephodisa; gore ba lelekištše go theoga, ka United States, mošate United States, gore

“Masomesenyane-seswai a peresente a bosenyi bjo bongwe le bjo bongwe bjo bo kilego bja dirwa ka sebopego sefe kapa sefe, ka United States, fao mosadi o be a le ka go bjona goba ka morago ga bjona.”

¹⁷⁰ Bjale ke bolela ka moka se, go ya go selo se setee mo ka mafelelong, gore le tle le kgone go bona gore molato ke eng.

¹⁷¹ O dirilwe gore a fore, go swana le ge a dirile go Adama mathomong, a mmotša gore kenywa ye e be e kgahliša, le go ya pele, go mo fora le go mo tšea go tloga go Lentšu. Yeo ke ka tsela ye kereke e dirago lehono, selo se se swanago.

Eupša ka gona, ka morago ga seo, monna o ile a ba mmušī wa gagwe, go buša godimo ga gagwe.

¹⁷² Bjale a phapano ka letšatšing le, ka letšatšing le la monagano. Go na le gore monna e be mmušī wa gagwe, mosadi o tlile ya ba modimo wa gagwe. Nnete, o buša monna. Bjale le ka kgona ka nnete go kwišiša gabotse se ke bego ke se itia. Ka botse bja gagwe le taolo ya gagwe ya thobalano, sebopego sa gagwe se se filwego go yena ke Sathane, setšwa go se sengwe seo Sathane a se dirilego, o rometšwe go fora barwa ba Modimo. Gomme a ka kgona go retolla ba bantši ba bona go ya heleng go feta sedirišwa sefe le sefe gape Sathane a nago naso. Seo ke therešo tlwa.

¹⁷³ Ke bolela ka go hloka maitshwaro bjale, e sego lena dikgaetšedi. Re tla le fa lefelo la lena, lefelo la maleba, metsotso e se mekae, ka Lentšung la Modimo mo. Le be le le ka polaneng ya Modimo go tloga go thoma—mathomong.

¹⁷⁴ Bjale go dira se lehono, modimo wa United States ke eng? Le a elelwa ka tabarenekeleng mengwaga ya go feta, ke rerile ka seo? Modimo wa letšatši le la sebjalebja, lefofana le lennyane le dutše fale ka sebotsefatši godimo, gomme roko e gogetšwe godimo bokagodimo ga matolo a gagwe, le dilo tše bjalo ka tšeo. Ka re, “Bonang modimo wa lena!” Gomme seo ke therešo, o godimo ga kwalakwatšo ye nngwe le ye nngwe, seripa sa maponapona. O ka seterateng, tsela ye e swanago.

¹⁷⁵ Ke sedirišwa sa Sathane, “go tloga mathomong,” Jesu o boletše. Le a bona? Re a bona gore go bjalo bjale, gomme “go tloga mathomong,” gomme se A boletšego ka sona.

¹⁷⁶ Bjale, bahetene ba be ba mo dira modimo, (a le be le tseba seo?) modimogadi. Nnete ba dirile. Ba mo dira modimogadi, ka gore ba be ba eba le ditiro tša thobalano ka bodireding bja bona. Ba be ba tleleima gore, “O be a le mohlodi. Ka popelong ya gagwe o be a rwele peu gomme a hlola.” Seo ke maaka. Fao go na le Mohlodi yo motee feela, yoo ke Modimo. Eupša le elelwa Paulo kua? “Diana, wa Efeso,” seswantšho sa letlapa, o rile, “modimogadi wa Legodimo, o lahletšwe fase.” A ga le bone ka fao bodiredi bja bohetene bo lego?

¹⁷⁷ Gomme rena, re sa bo tsebe, re retologela thwi morago go bodiredi bja bahetene gape, go basadi, sona sebošša sa

fasefasefase lefaseng, go direla-mosadi! A ka retolla monna ka tsela ye nngwe le ye nngwe a nyakago go dira. Gomme a sa tsebe, ka moka botse bjo ka ntle, gore hele e ka gare. Solomone o rile, “Tša gagwe, dikgoro tša gagwe ke dikgoro tša hele.”

¹⁷⁸ Bjale re bona pepeneneng mo se Jesu a se boletšego ka go Kutollo, ya 2 tema gomme ya 15 temana, ka thuto ya Banikolaete, go tla godimo ga kereke yela e ikgoga ka boyona go tloga go Lentšu.

¹⁷⁹ Gape re kgona go bona mo, pepeneneng, maroga a, go hloka bomodimo, mananeo a bohlaswa ao re nago le wona thelebišeneng, bahumagatšana ba thobalano ba Hollywood. Re kgona go bona bohlaswa bja toropokgolo ye, ge digotlane tše, basetsana ba kgale ba bannyane ba sepelela godimo-le-fase ga seterata mo, ka tše nnyane gannyane, tša meswinellana diaparo, ba nyokanyoka go dikologa, gomme go tonya go lekanela go ba gatsetša go iša lehung. Ga ba tsebe gore yoo ke diabololo a dirago seo. Ba swerwe ke moya wo mobe, gomme ga ba tsebe! Le ka se bone mpša ya tshadi e dira seo, a le a dira? Ga le bone tshadi ye nngwe gape e dira seo, gomme ga go poo ye nngwe ye kaonekaone e sepelela godimo go yena, go le bjalo.

¹⁸⁰ Le a bona, bjale a le hwetša senepe? Re tla tsebatša selo se sengwe mo nakwaneng feela, Morena ge a rata.

Bjale le bona Banikolaete, le bona thuto ya bona.

¹⁸¹ Le a bona bahumagatšana ba mahlalagading, ba ba bitša, bo mmaletasa ntle seterategeng. Ba be ba fela ba eba le pontšho ya morago ka thoko, go bona bo mmaletasa. E no bula mahlo a gago, lebelela ka ntle seterategeng, ke ka moka o swanetšego go se dira bjale. Selo sohle ke bo mmaletasa. Nnete. Ba bo direla eng? Go tlaiša, go leka, seo ke selo se nnoši a kgonago go se direla sona. O a se dira ka baka la gore o na le bohlaswa. O a se dira ka baka la gore o dirilwe ka tsela yeo. Ga a lemoge gore yena ke sedirišwa ka diatleng tša Sathane, gomme seo ke se a lego sona.

¹⁸² Le ka dikolong tša rena lehono, ba ruta ditiro tša thobalano. Lefase la rena la go bola la go direla-mosadi! Ke a tseba ga ba nyake go dumela seo. Ema o opele mohuta wo mongwe wa pina, le go ya pele, godimo letšatši le tee; gomme ka ntle le basadi, go kitima go dikologa, bošego ka moka botelele. Le a bona? Ka moka gabotse. Ge, mahlong a Modimo, Lentšu, o fasefasefase go diphoofolo ka moka tše Modimo a di beilego lefaseng. Hlokomelang.

¹⁸³ Leo ke lebaka le Modimo a mo ganetšago go ruta Lentšu la Gagwe. Seo ke therešo. Wa Pele Timotheo 2:9-15, “Ga ke dumelele mosadi go ruta, goba go ba le maatlataolo a a itšego.” Le a bona? Gomme gape ba Pele Bakorinthe 14:34, “A basadi ba lena ba homole ka dikerekeng, ka gore ga se ba dumelelwa go bolela, ka gore ba a laelwa go homola; le Molao o a bolela.” Eupša, lehono, kereke e dira eng? Ba mo

dira badiša, baebangedi, mola Beibele e e ganetša ka go felela. Gomme Beibele e rile, “bjalo ka ge Molao o boletše,” go e dira gore e kitime ka go tšwela pele, selo sohle.

¹⁸⁴ Go no swana le ka fao Kwana e bego e le, bošego bja go feta, lefelo le nnoši la go direla, ka tlase ga Madi a a tšholotšwego a Kwana. Ke lefelo le nnoši lehono, ka go Kriste. Tsela e nnoši o dirago ke go tla ka go Yena. Leo ke lefelo le nnoši la go direla. Ka mehla go be go le tsela yeo. Lefelo le nnoši la go direla ke ka tlase ga Madi a a tšholotšwego.

¹⁸⁵ Ka fao bjale re bona senepe sohle sa yona se tatologa go rena. Šowe fao. Ke ka baka leo Modimo a ka se mo dumelego go ruta, a ka se mo dumelele go dira eng kapa eng ka kerekeng eupša go dula ka go iketla ka sefahlego sa go širwa.

¹⁸⁶ Ka fao bjale le a bona gore ke ka baka la eng ke boletše dilo le go dira dilo tše ke di dirilego, ke tseba se ka moka ka pelong ya ka, ngwanešu, dikgaetšedi? Ke a tseba, dikgaetšedi, ke . . . le na le lefelo la lena (mo nakwaneng feela), le semelo se se makatšago se Modimo a ka kgonago go se kgoloka ka go lena. Eupša ke no leka go bolela ka lehlakoreng le lengwe, go laetša fao gabotse le tšwago, “mathomong.” Jesu o re boditše “go ya morago mathomong,” go le hwetša. Seo ke se re se dirago.

¹⁸⁷ Bjale ke ile ka swanelwa ke go itia dintlha tša godimo ka go se sentši sa se, gomme ke a holofela le a se kwišiša. Gomme lena batho le tla beng le theeditše theipi ye, ke holofela le a kwišiša. Enong go ya morago. E no ba go laetša gore Jesu o rile, “Eyang morago, go tloga mathomong, gomme le hwetše.” Dilo ka moka, eyang morago mathomong. Le kgona go bona, lehono.

¹⁸⁸ Ka baka la eng, batho, ba re ke nna sehloya-mosadi. Seo se kgole le Therešo. Ga ke dire. Ba bitša, “Sehloya-mosadi!” Elelwang, ba biditše Paulo sehloya-mosadi. Modiredi wa mosadi, e sego telele go fetile, o rile, “Oo, o bjalo ka Paulo wa bogologolo, ka moka se a bego a se dira ke go topa rena basadi.”

¹⁸⁹ Mokgethwa wa Modimo, o dumeletšwe go ngwala Beibele, Tastamente ya Mpsha, gomme a ganetša Lentšu la gagwe? O rile, “Ge Morongwa go tšwa Legodimong a ruta selo se sengwe gape go feta Se ke se boletšego, a E be morogwa,” ga re sa bolela ka moreri wa mosadi.

¹⁹⁰ Ba rile Eliya e be e le sehloya-mosadi. O be a se sehloya-mosadi, sa basadi ba nnete. O be a no se rate bona bo Jesebele.

¹⁹¹ Gomme ge go le bjalo, gona go swanetše go ba Modimo o swanetše go ba a le ka tsela ye e swanago, ka baka la gore ke Yena Lentšu le le tlogo go baporofeta. Ka fao e swanetše go ba Modimo, tsela ye e swanago, ka fao, le a bona, O tseba tlholo ya setlogo, “go tloga mathomong,” O rile, “go tloga mathomong.” E bile baporofeta bao Lentšu le tlilego go bona.

¹⁹² Gomme O mo diretše monna, gomme monna ga se a direlwa yena. A le be le tseba seo, gore, “Mosadi o diretšwe monna, e sego monna go mosadi”? Ke ba bakae ba tsebago seo? [Phuthego e re, “Amene.”—Mor.] Beibele e ruta seo. Ka moka gabotse. O filwe lefelo ka go monna, pele ga go wa, go lekana ka godimo ga tlholo ka moka. Eupša “ka morago” ga go wa, bjale mo re tliša thuto godimo. Eupša “ka morago” ga go wa, o be a swanetše go mmuša, o swanetše gore a homole go ditaba ka moka, bjale ka morago ga ge mathomong a setlogo a fedile.

¹⁹³ Jesu o rile, “Go be go se bjalo go tloga mathomong.” Fao ke ge nako e thoma, ge Modimo a e dira pele ka tlholog ya Gagwe ya setlogo. Ka moka ba ba kwišišago, e reng “amene” gape. [Phuthego e re, “Amene.”—Mor.] Mathomong Modimo o hlotše feela pholo ye tee le tshadi ye tee. Eupša ka gona mosadi o dirilwe go fapana go tšwa go diphoofolo, ka moka diphoofolo tše dingwe, go fora. Bjale hlokomelang bjale, “Go be go se bjalo go tloga mathomong.” O dirilwe, ge nkabe a ile a dula ka leemong la setlogo, nkabe a se a ke a ewa. Eupša o hlotše go wa le tsenatseno yeo e ilego ya roba tšwelopele yohle ya Modimo, gomme ya lahlela lehu, mahloko, le selo se sengwe le se sengwe gape, lefaseng. O dirilwe bjalo.

¹⁹⁴ Bjale elang hloko bjale “ka morago” ga mathomong, ka morago ga mathomong, ka morago ga ge nako e thomile; morago ka go seo go be go le Bokagosafelego, ge go fedile. Elang hloko, ka morago ga ge go wa fale go dirilwe ke Efa, ka morago ga go wa, fao go bile nyakego gore kgwerano ye nngwe e dirwe. Bjale se se ya go le kgopa, eupša ke ya go le fa Lengwalo go kgonthiša gore se ke Therešo. Bjale elang hloko ka morago ga go wa, Jesu o rile... Modimo, mathomong, o dirile wo motee wa mohuta; eupša bjale, ka morago ga go wa, re ya ka godimo ga yeo. Kgwerano e be e le go lekana; eupša bjale, ka morago ga go wa, fao go na le kgwerano ye nngwe e dirilwego. Bjale mosadi e be e sa hlwe e le mmuši le yena, yo mongwe le yo mongwe o swanetše go ba le kgwerano ye e aroganego.

¹⁹⁵ Bjale a re boneng ge seo e le therešo. A re tšeeng Genesi 3, gomme re hwetše ge se e le therešo, bjalo ge re eya mmogo, ka baka la gore re nyaka go kwana le dilo tše, re rutwa ntle gomme di tlišwa ntle ka therešo tlwa. Gore mohlomongwe thwi mo re na le nako ye nnyane, ka baka la gore ga re kgole kudu go tloga mafelelong bjale, go tla karolong ya go tswalela ya thuto, go laetša gore *ka baka la eng* le gore *go reng* ka ditlhalo, le go ya pele. Bjale ka go Genesi ya 3 tema, gomme re tla thoma bjale ka ya 3, le ya 16 temana. A re thomeng ka ya 14 temana.

Gomme MORENA...a re go serpente, (bjale O ya go e roga), Ka baka la gore o—o dirile se, o rogilwe ka godimo ga mohlape ka moka,...ka godimo ga

phoofolo ye nngwe le ye nngwe ya tšhemo; gomme o tla sepela ka mpa ya gago, gomme o tla ja lerole matsatši ka moka a bophelo bja gago:

Gomme Ke tla bea bonaba gare ga gago le mosadi, le gare ga peu ya gago le peu ya mosadi; gomme e tla pšhatla hlogo ya gago, gomme wena o pšhatla serethe sa yona. (Tshephišo, “e tla ka mosadi,” Mesia, go lopolla.)

Go mosadi o rile, . . .

¹⁹⁶ Bjale lebelelang, bjale fao go na le kgwerano le serpente. Tšeo, di bego ka moka di le gabotse peleng, mathomong, goba pele ga mathomong.

Go mosadi o rile, Ke tla okeletša mahloko a gago gagolo le go imeng; gomme o tla belega bana ka bohloko; gomme tlhologelo ya gago e tla ba go monna wa gago, gomme o tla buša godimo ga gago, (Ga go sa le go lekana mmogo le gatee.)

¹⁹⁷ Bjale mosadi o retologile go dikologa, gomme ke mmuši.

Gomme go Adama o rile, Ka baka la gore o kwele lentšu la mosadi wa gago, gomme o jele go mohlare, wo ke go laetšego, ka re, O se ke wa ja . . .wona: lefase le rogakilwe (e sego go rogaka Adama, bjale) lefase le rogakilwe ka baka la gago; o tla ja tša lona ka bohloko matsatši ka moka a bophelo bja gago;

Meetlwa . . .le ditshehlo le tla go tlišetša tšona pele; gomme o tla ja dimela tša tšhemo;

Gomme o tla ja borotheo ka mphofutšo wa sefahlego sa gago, go fihla o boela mabung; ka gore o tšwele go wona, ka gore o tšwa go wona: ka gore o lerole, gomme o tla boela leroleng.

¹⁹⁸ Dikgwerano tše pedi. Bjale seo se tswalela “mathomong,” a seo Jesu a se boletšego, “Go be go se bjalo mathomong.” Re na le kgwerano ye nngwe bjale. Elang hloko, ke kgwerano ye nngwe. Bjale fao go na le kgwerano ya setšweletšwa, le ya setšwa go se sengwe. Elang hloko, go wa go tlišitše bothata, lehu, go sebošša se sengwe le se sengwe sa tlhologo, gwa dira phapano ka go tlhago ka moka. Bjale a re eleng hloko se Jesu a se boletšego ka, “go tloga mathomong go be go se bjalo.” Bjale ga go bjalo go “tloga,” ke bjale ke “morago” ga mathomong. Bjale fao go na le kgwerano gabedi.

¹⁹⁹ Pele e be e no ba kgwerano, Adama le Efa ba be ba lekana, monna yo motee le mosadi yo motee. Bjale mosadi o dirile sebe, gomme (o dira eng?) seo se ba lahletše ka moka lehung, gomme Modimo o ile a swanelwa ke go dira kgwerano ka seo, kgwerano ye nngwe. Še e mo thwi ka go Genesi 3:16, O dirile kgwerano ye nngwe.

200 Bjale lefase le swanetše go tlatšwa gape, e sego ka tlhologo ya setlogo ya Modimo, go swana le mathomong, e sego ka tlhologo ya setlogo, eupša ka tumo ya thobalano. Bjale yeo e tšea tlhokomelo ya “mathomong,” a ga e dire? Mathomong fao go be go le feela monna yo motee le mosadi yo motee, poo ye tee le tshadi ye tee; eupša ge a tshetše llaene yela gomme a tliša sebe se, bjale lefase le swanetše go tlatšwa gape, ka thobalano, e sego ka tlhologo; ka thobalano. Le a bona fao mosadi a lego bjale, bjale? Eupša yeo ke tsela ye lefase le tlatšwago lehono, ka basadi.

201 Leo ke lebaka le Jesu a ilego a swanela go tla ka mosadi, go e tliša morago go mathomo a yona a setlogo gape, ntle le tumo ya thobalano. Ke motswalwa ke kgarebe. Eupša, haleluya, fao go tla nako fao e ka se hlwego e le thobalano gape, eupša Modimo o tla bitša bana ba Gagwe go tšwa leroleng la lefase, morago go swana le ka fao ba bego ba le ka setlogong, e sego ka mosadi yo a itšego; eupša ka go kgoloka letsopa le dietša tša khosemiki, le petoreliamo, O tla hlola gape go swana le ka fao A dirilego Adama nakong ya mathomo. Jesu o dirile se go kgonagala, ka Modimo a itira ka Boyenamong Monna gomme a tla ka lefaseng gore A kgone go hwa, ka mosadi yo. Bjale ke nako ya teko, ka sebe.

202 Bjale le a bona gona, “ka morago” ga mathomong, e be e le selo se sengwe gape se tsebatšwa. Bjale se se ya go le tšhoša. A le lapile? [Phuthego e re, “Aowa.”—Mor.] Enong go dula ka go iketla boteleletelele gannyane feela.

203 Ka gona ge kgwerano gabedi e dirwa ke monna le mosadi, ka thobalano, kgwerano ye nngwe ka moka mmogo (e sego kgwerano ya setlogo, eupša kgwerano ye nngwe), bjale go tsebatšwa eng? Go nyala basadi ba bantši, go ka moka. Ka gona, ka morago ga mathomong, go nyala basadi ba bantši gwa tsebatšwa ka go mmogo monna le ka moka diphoofolo; ka morago ga mathomong, go wa. Modimo bjale, sa bobedi, a bea tlhago ye mpsha gape, ka thobalano. Modimo o hlotše ya pele ntle le thobalano. A le dumela seo? [Phuthego e re, “Amen.”—Mor.] Bjale ke kgwerano ye nngwe ka tlhago, O e bea ka tshepedišo ye nngwe, ka thobalano. Kgwerano ya bobedi: poo ye tee, ditshadi tše ntši; tholo ye tee ya poo, mohlape wohle wa ditshadi. A seo ke therešo? Poo ye tee, mohlape wohle wa dikgomo, ditshadi; mokoko wo motee, jarata ya go tlala dithole. A seo ke therešo? Dafida yo motee, ka morago ga pelo ya Gagwe Mong, ka basadi ba makgolo tlhano; le bana ba lekgolo ba tswetšwe go yena, ka ngwaga wo motee, ka basadi ba go fapana, monna ka morago ga pelo ya Modimo Mong. Solomone yo motee, ka basadi ba sekete. Eupša elang hloko bjale, go be go se bjalo mathomong, eupša bjale ke ka “morago” ga mathomong. Mosadi o dirile se, ka gona a no tla go ba se a lego sona bjale. Le a bona?

204 Dafida, kgoši ye e bego e emela Kriste! Swara seo ka monaganong wa gago. Dafida o be a emela Kriste. A le dumela seo? [Phuthego e re, “Amene.”—Mor.] Kriste a dutše. . . o ya go dula godimo ga terone ya gagwe. Gomme Dafida yo, monna ka morago ga pelo ya Modimo Mong, o be a na le basadi ba makgolotlhano. Le a bona se ke se rago? Dafida ka basadi ba gagwe ba makgolotlhano, Solomone ka sekete sa gagwe. Gomme Solomone ke morwa wa Dafida, ka tlhagong; ye e emelago Jesu Kriste, Morwa wa Dafida, ka semoyeng. Eupša seo ke tlhago, bophelo bja thobalano. Bjo e ya go ba bja semoya, bja go hlolwa. Ka baka la eng? Bja go hlolwa. Le a bona, yeo ke ka tsela ye bo bego bo le mathomong, eupša e sego bjale ka bophelong bjo re bo phelago bjale.

205 Elang hloko, le se ke la feila se bjale, se tšeeleng fase ka moka ka dipelong tša lena. Eupša bjale le wo motee wa basadi bao ga se a ke a kgona le go ba le monna yo mongwe gape. Ke tlholo ya setlogo, e sego yena. Ga go le yo motee wa basadi bao a kgonneggo go ba le monna yo motee gape, eupša monna yo motee o kgonne go ba le basadi ba sekete. Seo ke GO RIALO MORENA. Seo ke Beibele. Bjale ke ile morago, ka tšea nako ya ka gomme ka le laetša morago kua mo e thomilego, se Jesu a se boletšego. Bjale a le se bona gabotse? Ba ka be ba kgonne go ba le ba bantši. . .

206 “Oo,” le re, “seo e be e no ba sa Israele.” A ke sona?

207 Ge Abraham a tšere Sarah go theogela ka nageng ya Bafilisita, fao go be go le kgoši tlase kua wa go bitšwa Abimeleke. Gomme Sarah o be a le mengwaga ye lekgolo ka bokgale, thwi go yena, eupša o be a fetoletšwe morago go mosadi yo moswa gomme a dirilwe yo mobotse. A le tseba seo? [Phuthego e re, “Amene.”—Mor.] Ka moka gabotse. Gomme Abimeleke o be a mo nyakela go ba mosadi. Le elelwa Molaetša wa ka ka yona? Abimeleke o be a nyaka go tšeela Sarah go ba mosadi. Go molaleng gore o be a na le mohlape, eupša o be a ka se kgone go mo tšea ge a be a nyetšwe ke Abraham. Ka fao Abraham o rile go Sarah, “Bolela gore, ‘o ngwanešu wa ka,’ ka baka la gore o tla mpolaya gore a kgone go go hwetša.” Ka baka la eng a be a sa no rakela Abraham ka ntle ga naga, gomme a tšee mosadi wa gagwe gomme a ye pele? Molao o be o se feela le badumedi, eupša go batho ka moka ka tlholong. Modiradibe goba mokgethwa, o na le boikarabelo, monna, ka ditiro tšeo. Fao go be go le kgoši ya mohetene. Ke ba bakae wa tsebaggo gore setori ke therešo? [“Amene.”] Ke Beibele, Genesi, e ka ba ya 16 tema, ke a nagana.

208 Elang hloko, Abimeleke nkabe a mo tšeetše go ba mosadi. O ile a itokišetša ka boyena go ba le mosetsana yo moswa yo wa Moheberu. Gomme a re, “Yo ke wa ka. . .” O rile, “Yo ke ngwanešu wa ka.”

A re, “Yoo ke kgaetšedi wa ka.”

209 Gomme Abimeleke a re, “Ke tla no mo tšeela go ba mosadi wa ka gona.” O ka kgona go eleletša monna a dira selo sa go swana le seo? Eupša o se dirile.

210 Gomme ka gona bošego bjoo, ge a ile go robala, Morena a tšwelela go yena ka torong, gomme a re, “Abimeleke, o no ba gabotse bjalo ka monna wa go hwa.” O be a šireletša seo, moela wa madi a Bojuda fao, le a bona. O rile, “O gabotse bjalo ka monna wa go hwa. O na le mosadi wa monna yo mongwe o lokišetša go mo nyala.”

211 O rile, “Morena, o tsebile go loka ga pelo ya ka.” A re, “A ga se a mpotša gore yoo e be e le ‘ngwanabo’? A re ga se a ke ka boyena a re, ‘Yoo ke kgaetšedi wa ka?’”

212 O rile, “Ke tseba go loka ga pelo ya gago, ke ka lebaka le Nka se go dumelelego go dira sebe kgahlanong le Nna.” A seo ke therešo? A re, “Bušetša mosadi wa gagwe, ka baka la gore monna yoo ke moporofeta wa Ka. Ntle le ge o ka tšeela mosadi wa gagwe morago. . . Gomme mo dumelele a go rapelele, e sego moprista wa gago. Ge a sa go rapelele, setšhaba sohle sa gago se ile.” Amene. Fao go na le mogau wa go makatša. Therešo. “Setšhaba sohle sa gago se ile. Yoo ke mosadi wa monna yola, gomme ke moporofeta wa Ka.” Amene. Seo ke GO RIALO MORENA. Leo ke Lengwalo. Therešo.

213 Bjale re a hwetša, lehu le be le hlotšwe. Lehu ke sehlotlwa sa sebe sa mosadi, le tlile ka mosadi e sego monna. Ka tsela ya gagwe ya go phela bophelo bja gagwe, le ka yena, lehu ka moka le a tla. Tsela ya gagwe ya go fa bophelo ke lehu. Ke ba bakae ba tsebago seo? Jobo 14, ge le nyaka go bea Lengwalo fase.

214 Ke na le, ge le botšiša se, ke na le Mangwalo a ngwadilwe fase a se sengwe le se sengwe se sennyane sa se.

215 Ge le nyaka go bala Jobo 14 fao, E re, “Motho yo a tswetšwego ke mosadi ke wa matšatši a se makae, gomme o tletše mathata.” A seo ke therešo? “O tla godimo bjalo ka lepolomo, o ripelwa fase, gomme a senyega,” le go ya pele. Le a bona? Motho yo mongwe yo a tswetšwego ke mosadi, o tswalwa ka lehung ka bjako ge a etla.

216 Eupša ge a tswalelwa ka tlholong ya Modimo, ga a kgone go hwa; o tšwa go Mohlare wo mongwe wola o bego o le tšhemong ya Edene, Kriste. Bophelo bjo Bosafelego bo tla ka Mohlare.

217 “Oo,” o re, “o be a le mohlare?” Nnete. “Go lokile, ba rile, ‘Le se ke la ja go sehlare se.’ Modimo o boletše, ka go Genesi morago fao, ‘O se ke wa ja go sehlare se.’”

218 Go lokile, mosadi ke sehlare. Ke sehlare sa dikenywa. Wena o kenywa ya mmago. Kenywa ya popelo ke wena. Seo ke therešo. Gomme ka gona kenywa ya Sehlare sa Bophelo, seo se bego se le ka tšhemong ya Eden, ke Kriste. Ka mosadi go tla lehu; ka Monna, ka tlholong ya setlogo, go tla Bophelo.

Go tswalwa ke mosadi ke lehu; go tswalwa ke Kriste ke Bophelo. Le hwetša kgopolo? Fao ke moo. Bjale le bona moo medimogadi e ilego, a ga le?

²¹⁹ Adama wa pele le Efa ba be ba swantšha Adama wa bobedi le Efa, le a bona, go atiša. Bjale go atiša ga Adama le Efa e be e le ka thobalano, go tlatša lefase, eupša go be go se bjalo mathomong. Modimo o nno dira poo le tshadi, go swana le ka mo A dirilego dibopša tše dingwe tša Gagwe, le a bona, semolao, go no swana le Kereke.

²²⁰ Bjale a re, ka go bona Ditherešo tše tša Modimo di hlatsetšwego, nyakišišang go ya pejana, ge le nyaka. [Phuthego e re, “Amene.”—Mor.] Ka moka gabotse. Bjale se se ka no gobatša gannyane feela go fihla re fihla tlase botebong bja sona, eupša ke ya go no le laetša Therešo ya sona.

²²¹ Fao ga go modiredi yo a ka kgonago go nyala mohlologadi. A le be le tseba seo? Le nyaka go bala seo? Ka moka gabotse, eya ka go Lefitiko, Lefitiko 21:7 le Esekiele 44:22, gomme E tla go laetša gore boprista ga bo a swanela go nyala mosadi yo a kilego a kgwathwa ke monna yo mongwe. Seswantšho se ke sa Monyalwa wa kgarebe wa Jesu Kriste, ka baka la gore ba swara Mollo wa Modimo, baprista ba dirile, barwa ba Arone. Ga re na le nako ya go E bala ka moka, le go tšwela ntle ka sekgaela, re na le metsotso ye masomapedi bjale. Gomme bona ke barwa ba Arone ba ba bego ba swara mo—mo—Mollo wa Modimo, ka fao ba be ba ka se kgone go nyala mosadi yo a bego a kgwathilwe ke monna yo mongwe. Modimo yo a sa fetogego o boletše bjalo. Ba be ba ka se kgone go nyala mosadi yo mongwe, gomme mosadi yo a bego a kgwathilwe ke monna, e laetša ka seswantšho mo, ge le nyaka go e bona, gore Kereke ya Modimo yo a phelago e hlwekile, ga ya otswafatšwa, Lentšu la Modimo, gomme e sego kereke ya leina ye e swerwego ke monna.

²²² Elang hloko, a re baleng se mo. Ke nyaka go tliša se go lena. Mateo 5, Jesu o bolela mo ka selo se sengwe seo ka nnete e lego se bohlokwa kudu. Re nyaka go se bona, Mateo 5. Ke ngwadile go ya ka . . .

²²³ Ke marakile ntle tše dingwe tša dilo tše ke bego ke eya go di bolela go monna feela, ka fao ke bile le nako ye nnyane kudu go se bolela feela pele ga dikgaetšedi tša rena. Eupša ke nyaka go—go ya ka ntle mo bjale pele. . .

²²⁴ Bjale, kgaetšedi, ke nyaka go go bea lefelong moo Lentšu la Modimo le go tšhephišitšego, gomme o bone gona o dule ka lefelong leo, le wena.

²²⁵ Mateo 5:32. Ke nyaka gore le ele hloko mo, go thekga kgopolo ye e swanago ye ya yo “motee” le ba “bantši.” Mateo, masometharo- . . . Ke nagana gore ke Mateo 5:32, 31 go thoma ka.

Go ile gwa bolelwa, Mang le mang yo a lahlago mosadi wa gagwe, a a mo fe lengwalo la tlhalo:

226 Yo ke Jesu yo a bolelago, yo Motee yo a rilego, “go tloga mathomong.” Bjale hlokomelang.

Eupša Ke re go lena, Gore mang le mang yo a lahlago mosadi wa gagwe, ge e se . . . ka baka la bofefe, o mo dira gore a dire bootswa; . . . (le a bona) mang le mang yo a ka lahlago mosadi wa gagwe, ge e se . . . ka baka la bofefe, o mo dira gore a dire bootswa: (ka baka la eng? o tla nyala gape) gomme mang le mang yo a nyalago yo a hlakilwego o dira bootswa.

227 Le a bona, o na le monna yo a phelago, ka fao ga go monna yo a kgonago go mo nyala. Ga go kgathale se a se dirago le gore ke mang, o na le monna yo a phelago, ga go na le mabaka a gagwe le gatee. Eupša, ga se, ga monna. “Go dira mosadi,” e sego monna. Le a e hwetša? Le swanetše go dira Lentšu gore le kitime ka go tšwela pele. Le a bona, ga go selo se bolelago gore monna a ka se kgone, eupša mosadi a ka se kgone. Le a bona, “go dira mosadi,” e sego monna. Seo ke tlwa se Beibele e se bolelago, “go dira mosadi.” Ga e bolelwe kgahlano le monna go nyala gape, eupša “mosadi.” Ka baka la eng? Kriste ka seswantšho.

228 Elang hloko, e bolela gore a ka se kgone go nyala gape, feela kgarebe. A ka nyala gape. A ka kgona, a ka kgona go nyala gape ge e le kgarebe, eupša a ka se kgone go nyala mosadi wa yo mongwe gape. Aowa ka nnete. Gomme ge a nyala mosadi wa go hlalwa, o phela ka bootsweng, ga ke tshwenyega gore ke yena mang. Beibele e rile, “Mang kapa mang yo a nyalago yo a hlakilwego, o phela ka bootsweng.” Fao ke lena, e sego bahlalwa.

229 Le bona setlogo sela morago kua, “go tloga mathomong,” bjale? Go nyala gape, elang hloko, monna a ka kgona, eupša mosadi a ka se kgone. Go swana le Dafida, go swana le Solomone, go swana le tšwelopele ya Beibele yohle, bjale, go swana le Dafida le bohle ba bangwe.

230 Bjale le ela hloko ka go ba Pele Bakorinthe 7:10, elang hloko, Paulo o laela mosadi yo, a hlalago monna wa gagwe, go dula a nnoši goba a boelanywe, e sego go nyala gape. O swanetše a dule a nnoši, goba a boelanywe morago go monna wa gagwe. A ka se kgone go nyala gape. O swanetše a dule a nnoši, eupša, elang hloko, ga se a ke a bolela ka monna. Le a bona, o ka se kgone go dira Lentšu go aketša. “Go tloga mathomong,” molao wa thobalano ka go nyala basadi ba bantši. Bjale, Lentšu la Modimo le kitima ka go rereša le tlhago ya Modimo, le kitima ka go tšwela pele.

231 Le a bona fao go sekolo se setee se ile bohlabela, gomme se sengwe se setee se ile bodikela, ka yona? Le swanetše go tla morago go Therešo, go hwetša ntle gore ke eng.

232 Ka mehla go bile ka tsela yeo, ke kgwerano ya ka mehla le Modimo go tloga mathomong. *Pele*, pele ga mathomong, go tloga

mathomong fao go be go no ba se tee le se tee. *Ka morago* ga ge sebe se tlile ka gare, ka gona fao gwa ba monna yo motee le sehlopha sa basadi; e kitima ka tsela yeo ka tlhagong, phoofolo ye nngwe le ye nngwe, gomme batho le nama ya tlhago ke phoofolo. Ke rena diamuši, re tseba seo, ka moka ga rena, le a bona, gomme ka moka ke tlhago ya Modimo e tšwela pele.

233 Eupša bjale ka gore Mahuto a butšwe, Moya wa Therešo o re šupetša Lentšung. Seo se hlatholla gore ka baka la eng ka moka diphošo di be di le fase go kgabola mabaka, ka baka la gore Mahuto a be a se a bulwa, Se se be se se sa utollwa. Ke therešo.

234 Elang hloko, wena, le ka se dire gore merithi e feile. Bjalo ka ge ke le reretše bošego bja go feta ka morithi go putla lebato, o swanetše go tla ntle gabotse. Go ka kgonega bjang go ba morithi wa tlou o etla go putla lebato, gomme yo monnyane wa nthathana, yo mosesane monna a tla ntle go ba tlou, goba tlou ya ba yo monnyane, yo mosese monna?

235 Bjale ge le ka ela hloko e ka seswantšho sa go phethagala.

236 Bjale, fao go mosadi wa therešo, mosadi wa therešo, kgarebe, yo a nyalago monna wa gagwe, gomme a phela, gomme ke selo se se šegofetšego go monna. Ge Modimo a be a kgona go fa Morwa wa Gagwe selo se sengwe se sekaonekaone go feta mosadi, O be a ka fa seo go yena.

237 Eupša o hlametšwe go ba tiro ya thobalano, gomme ga go phoofolo ye e hlamilwego ka mokgwa woo. Ga go sebopša se sengwe gape lefaseng se hlamilwego ka mokgwa woo. Ke ka baka leo le bonago go nyala basadi ba bantši, ka baka la seo. Seo ke se se tlišitšwego ka gare.

238 Bjale lebelelang, ka phetlekong ya mafelelo, lebelelang, fao go Jesu Kriste yo motee (a seo ke therešo?), Monna yo motee, Modimo, Emmanuele. A le dumela seo? [Phuthego e re, “Amene.”—Mor.] Eupša maloko a Mosadi wa Gagwe ke a mantši, le a bona, dikete atiša ka dikete tša dikete (a seo ke therešo?), Mosadi wa Gagwe, Monyalwa, Kereke. Le a kwišiša bjale? [“Amene.”]

239 Ke ka baka leo A rilego go Adama, pele ga ge thobalano e ka tsoge ya tlišwa goba go tsebatšwa, “Atang, le tlatše lefase,” ge a be a sa le ka mathomong, ge a be a sa le mmogo monna le mosadi ka go yenamong. Fao, go laetša gona gore Monyalwa o swanetše go tla go tšwa go Lentšu, ka go ata ga semoya, go ata, le a bona, go tlatša lefase.

240 Bjale ka tiring ya thobalano, le a bona, dikolo di na le dilo tše pedi tše di hlakane. Ka fao le ka se kgone go e dira, le swanetše go e tliša morago go Therešo ya yona, “mathomong.”

241 Gomme mafelelong fao go tla ba Morena Jesu yo motee, le Monyalwa wa Gagwe bontši, yo motee. Le a e hwetša? Fao go be go le Dafida yo motee godimo ga terone, kgoši ye tee (ka morago

ga pelo ya Modimo Mong) le basadi ba makgolotlhano. Jesu a dutše godimo ga Terone ya Gagwe, haleluya, ka Miliniamong, le Mosadi; go swana le ge go be go le mathomong, a bopilwe go tšwa lefaseng, ka seatla sa Ramaatlakamoka Modimo, ka tsogong, ya maloko a mantši. Fao le gona.

²⁴² Basadi, katanelang go ba seo, etlang ka go Kriste, ka gona le ka se ke la ba ka tlhakanantswiking yela ya bohlaswa ntle kua. Eupša ge feela o no ba leloko la kereke o leka go phela ka maitshwaro le gabotse, bowena, o ka se ke wa be wa e kgona. Le monna a ka se ke a be a e kgona ka ntle ga Kriste. Bjalo ka ge Paulo a tšwetše pele ka gore, “Eupša ba ka go Kriste, fao ga go sa le monna goba mosadi.” Ka moka ke batee.

²⁴³ Eupša go tla go dira *Lenyalo Le Tlhalo* ye go otlollelwa ntle, gore le tle le tsebe gore ke eng se e bego e le therešo le gore ke sefe e bego e le phošo, bjale O bonagatša molaleng mo ka diswantšho tše. Fao go Kriste yo motee; le maloko a mantši a Mosadi yoo. Elang hloko, A ka kgona go re lahla go tloga ka baka la bofefe bja semoya le thuto ya maaka, nako ye nngwe le ye nngwe ge A nyaka go dira; eupša o ka leka bjang go Mo lahla, gomme wa e kgona? Monna a ka kgona go lahla mosadi wa gagwe gomme a nyala yo mongwe yo motee; eupša e sego mosadi a lahla monna wa gagwe gomme a nyala yo mongwe yo motee. Le a bona ka moka morithi le diswantšho fao ka go phethagala di lekelelanya godimo? Le a bona tlholo ya setlogo; e sego setšwa go se sengwe felotsoko. E sego kereke; Monyalwa ka Lentšu. E sego mosadi; monna, nako ye nngwe le ye nngwe. Ke ka baka leo e sa bolele go eng kapa eng kgahlanong le monna a e dira; ka mehla ke mosadi. Seo ke tlwa.

²⁴⁴ Eupša a ka kgona go ba Monyalwa wa Kriste, ka go ba . . . Gomme elerwang, yena e le karolo ya monna, Beibele e rile a ka kgona godi- . . . “Ge go le bjalo ga ke dumelele mosadi go ruta, goba go tšea maatlataolo afe kapa afe, eupša go ikhomolela. Ka gore Adama o bopilwe pele, gomme ka morago Efa. Gomme Adama ga se a forwa, eupša setšwa go se sengwe se forilwe. Ka go se ganetšege o tla phološwa ge a tšwela pele ka bokgethwa le pelokeledi, le ka go belega bana, le ka moka tše bjalo,” ka baka la gore ka gona o ba karolo ya monna yo. Seo ke se se tlišago . . .

²⁴⁵ Ka baka la eng Abraham . . . Ka baka la eng Modimo a se a bolaya Sarah a dutše thwi fale, a gana, gomme a bolela maaka thwi sefahlegong sa Modimo? A dutše fale bjalo ka Monna yo a hwago, a eja nama, a eja borotho, a enwa maswi, gomme A re, “Ka baka la eng Sarah a sega ka kua morago,” bokamorago ga Gagwe, ka tenteng, Yena ga se a ke a mmona, “a bolela se, ‘Dilo tše di ka ba bjang?’”

²⁴⁶ A re, “Ga se ka ke ka se bolela!” Uh-oh, nna, a botša Modimo gore Ke moaketši, sefahlegong sa Gagwe? Eupša

Yena ga se a ke a mo tšea. Ka baka la eng? Ke karolo ya Abraham. Amene. O be a ka se ke a mo gobatša ntle le go gobatša Abraham.

247 Bjale lena basadi le bona fao le lego ba gona. Gomme Beibele e rile, “Lena basadi le be bjalo ka fao Sarah a bego a le ka gona, yo a bego a ikgabiša ka boyena ka diaparo tša go se solege, a phela bophelo bja go botega gomme a le wa therešo go monna wa gagwe mong, a mo rata kudu go fihla ge... a mmitša ‘morena,’” wa gagwe mmuši, bong.

248 Gomme lena, ba bangwe ba basadi, ba apara diaparo tše tša go befa gomme ba tšwela ntle mo go itahlela ka bowena pele ga monna. Jesu o rile, “Mang kapa mang yo a lebelelago mosadi go mo kganyoga o šetše a dirile bootswa le yena ka pelong ya gagwe.” Ka gona ke mang yo a nago le molato, monna goba wena? Ke yena monna, o dirilwe gore a kgone go tšea tiro ye, le a bona; gomme wena o mosadi, yo a swanetšego go gana.

249 Gomme ka baka la eng o ipea ka bowena ntle ka mokgwa woo? Ga e no ba go iketla, o a tseba e ka se kgone goba, ge o gatsetše seripa la go hwa ka tšona dišothi. Le a bona, e ka se no ba go iketla. Gona ke eng? Ke sa makgapa! O ka se ke wa se dumela, eupša Beibele e bolela bjalo. Seo ke Therešo. Ke moya wa bohlaswa wo o lego ka go wena. Ga o nyake go ba wa bohlaswa; eupša ga o lemoge, semoyeng o bohlaswa, ka gore o itšweletša ka bowena ka bohlaswa.

250 Bjale, monna, a gagwe a kgale, a ditšhila, a mahuto matolo, ge a se a apara diaparo tše di itšego, go ka se dire phapano ye e itšego, mmele wa gagwe ga o leke. Ka baka la eng? O be a le ka tlholong ya setlogo, semelo; se swanetše goba, le a bona. Eupša, o setšwa go se sengwe, go leka ka sona.

251 Modimo, eba le mogau! Oo, nna, lefase le la go tlala sebe! Nka thaba ge le ka feta.

252 Elang hloko, A ka kgona go lahla mosadi wa Gagwe nako efe kapa efe ge A nyaka go dira, eupša yena a ka se kgone go Mo lahla; A ka kgona go ntira, A ka kgona go ntahlela ka leroleng nako efe kapa efe A tšeago phetho go dira, eupša, oo, ngwanešu, bokaonekaone ke se ke ka tsoga ka leka go Mo lahla fao, ke fedile.

253 Solomone o be a kgona go nyala mosadi yo mongwe le yo mongwe yo a bego a se a nyalwa, o be a kgona go nyala mosadi yo mongwe le yo mongwe a bego a nyaka go mo nyala. Moprista o be a kgona go nyala mosadi yo motee feela yo a bego a le kgarebe. Solomone...

254 Bjalo ka Dafida, o nyetše (leina la gagwe e be e le mang?) Abigail. E le gore, go be go le monna yo a bego a bitšwa “lešilo,” o be a na le mosadi yo mobotse, gomme a hwa. Gomme Abigail a nyalwa ke Dafida; o be a le kgoši, e sego moprista, le a bona, ka fao a—a nyala.

255 Eupša moprista o be a ka se kgone go dira seo, ka baka la gore o be a kgwathile goba o hweditše go ba mosadi wa gagwe yo a bego a šetše a le mosadi wa monna yo mongwe. Ka fao seo se laetše bokgarebe bja Kereke ya Morena Jesu Kriste, Monyalwa o swanetše gore a se ke a otswafatšwa, Lentšu, e sego Lentšu le letee le lahlegile felotsoko. Nnete. A le ka kgona go eleletša monyalwa wa therešo, letswele le tee le tlogile, gomme, le lengwe le tee, selo se sengwe gape se fošagetše, le a tseba? Yoo ga e ye go ba Monyalwa wa Kriste. Yena o phethagetše. Yena ke Lentšu selo se sengwe le se sengwe, ga go Lentšu le letee le le feilago felotsoko. Aowa.

256 Elang hloko, Yena a ka kgona go mo lahla, eupša yena a ka se kgone go Mo lahla. O e dirile, o e kgonthišetše, ka matšatšing a ge Luther, Wesley, le Pentecost, ge ba ganne go ba karolo ya Gagwe go ya pelepele ka go ba le kwano ya thobalano ya semoya go imišwa ke karolo ya pelepele ya Lentšu. Le a kwišiša? E ganne. Kereke ya Luther e ganne Kriste go ba le kganyogo ye e tseneletšego le yena; Luther o e ganne. Gomme a nke ke bolele se, ba ya go mpitša selo se sengwe go le bjalo; ka fao go bjalo lehono ka ye nngwe le ye nngwe ya tšona, di feila go tšea Lentšu leo, di gana Kriste!

257 Gomme mosadi mang kapa mang yo a ganelago monna le ngwana wa gagwe, ga a na le tokelo ya go ba mosadi wa gagwe. Amene. Le a elelwa, ka Beibeleng, ge kgoši e nyetše Esther? Ka baka la gore kgošigadi a ganne, o ile a no ikhweletša yo mongwe yo motee. Gomme ge . . . Go diregile eng ge a ganne go tla ka ntle le kgoši le go mo obamela? Ke selo se se swanago se e lego sona le mosadi yo a ganago go ba mosadi go monna wa gagwe.

258 Ka fao go bjalo le ka kereke ye e ganago go imišwa ka lebakeng le re phelago ka go lona bjale, go tliša bana ba lebaka le pele. Ga se rena Maluther, ga se rena Mawesley, le ge e le Mapentecost! Re swanetše go ba bana ba lebaka le, ka kimišo ya Lentšu la Modimo, go tliša pele Ngwana wa lebaka le, Ngwana Peu. Amene. Ke a holofela le a kwišiša. Ga se ba kgone go imišwa, aowa, ka fao O dirile eng? A mo lahla, ka tlhalo. Seo ke therešo. Eupša yona e se ke ya leka go Mo lahla. Yena o e lahlile.

259 O tšwetše thwi pele a utolla Lentšu la Gagwe go Mmele, gomme a Mo hlatsela, go swana, ka Boyena. Bana ba Gagwe ba thoma go swana le Yena kudu, ka baka la gore Le godile ka botlalo, goba, ba ba bana ba Lentšu, e sego bana ba kereke. Bana ba Lentšu! Gomme Monyalwa e tla ba Mohumagadi yo monnyane wa go ratega wa Lentšu, a sa otswafatšwago, a sego a kgwathwa ke mokgatlo wa monna yo a itšego, kgopolokakanyo ye e itšego ya madirwa ke monna. O tla be yo ka go hlweka a sego a otswafatšwa, Monyalwa wa Lentšu! Amene le amene! Ke a holofela le hwetša seo, ntle ka moyeng. O tla ba morwedi wa Modimo yo a imišetšwego.

260 Le bona tlhompho ye kgolo ye mosadi a ka bago yona? Le bona selo se segolo se kereke e ka bago sona, eupša le bona fao bohlaswa bo e išitšego? Ka gona o leka go bapetša kereke yela ntle kua le Kereke mo, o ka se kgone go e dira. Gomme leka go bapetša seotswa sa seterata le Kereke ya Modimo yo a phelago; goba mosadi, mosadi wa maleba, le seotswa?

261 Ka baka le eng go na le dilo tše di bjalo? Ke molao wa Modimo, molao wa dilo tša go se swane. Re ka tseba bjang go ipshina ka seetša sa letšatši ge fao go be go se bošego? Re be re ka tseba bjang go ipshina ka boso bjo bo omilego ge fao go be go se pula? Re be re ka tseba bjang go ipshina le go hlompha mosadi wa nnete, ge fao go be go se wa ditšhila yo motee?

262 O tšwetše pele thwi a Le utolla, a utolla Lentšu la Gagwe, eupša go se ke gwa ba le yo motee a ka lekago go Mo lahla gomme a nyala yo mongwe.

263 Bjale ka nnete go molaleng gore ka baka la eng dikgopolokakanyo tše pedi di fošagetše. O ka se kgone go e dira go kitima ka tsela *ye*, e ile; ge o e dira e kitima ka *yela*, e kitima thwi go feta tšhephišo. Tshephišo *še*, selo se se thwi mo. Lentšu ga le ikganetše. Le swanetše go dula ka go tšwela pele le bjale, ga go fete gore Mateo 28:19 e ganetša Ditiro 2:38.

264 Bjale, ba bangwe ba lena basadi, ba bangwe ba lena banna, ke—ke a tseba le—le ganetšana le Lona. Ka baka la gore, le a tseba, gore le ka se kgone go uta seo thwi bjale. Le ka se kgone.

265 Eupša a ke nong go le laetša selo se sengwe. Ge Mateo 28:19 e rile, “Eyang ka gona, rutang ditšhaba ka moka, ba kolobetšeng Leineng la Tate, le la Morwa, le Moya wo Mokgethwa,” gomme ba retologa go dikologa, gomme motho yo mongwe le yo mongwe a kilego a kolobetšwa o kolobeditšwe go fapana le yeo, o kolobeditšwe Leineng la Jesu Kriste, ka gore le go kgabola ka moka lebaka la Beibele le mengwaga ye makgolotharo ka morago ga lebaka la Beibele, go ya go Khantshela ya Nicaea. Ka gona ba tšea dithutotaelo legatong. Phapano ke eng, ge e se ya utollwa?

266 Gomme a le a tseba Puku yohle, Beibele yohle, ke kutollo? Ke ka mokgwa wo o swanetšego go tseba therešo gare ga ye tee ye le ye nngwe, ke ka baka la gore Ke kutollo. Gomme kutollo e swanetše go ba tlwa le Lentšu, e sego go ganetšana le Lentšu. Le re, “Go lokile, ke, e utollotšwe go nna.” Ka gona ge e ganetšana le Lentšu, ga e tšwe go Modimo. Seo ke therešo.

267 Bjale ge le nyaka go tšea Mat-. . . Mateo 16:18. Jesu o rile, ka Boyena, gore Kereke yohle, Kereke ya Gagwe, e tla agiwa godimo ga kutollo ya semoya ya Gagwe mong, e lego Lentšu. “Ke re go wena, gore wena o Petro. . . Gomme nama le madi ga se tša ke tša utolla se go wena, eupša Tate wa Ka yo a lego Legodimong o utolotše se go wena. Gomme godimo ga letlapa le. . .”

268 Bjale, ke a tseba, bagwera ba rena ba Katoliki kua, le re, “E agilwe godimo ga Petro, le Petro boapostola, ka fao, *Semang-mang*, ka go tumelelo ya boapostola, tatelano.”

Maporotesetanta ba rile, “E agilwe godimo ga Jesu Kriste.”

269 E sego go ba yo a fapanego, eupša e nong go tšea se A se boletšego! O rile, “Nama le madi ga se tša utolla se go wena, eupša Tate wa Ka yo a lego Legodimong o utolla se go wena. Gomme godimo ga letlapa le” (kutollo ya semoya ya gore Lentšu ke eng) “Ke tla aga Kereke ya Ka; gomme dikgoro tša hele di ka se tsoge tša E šišinyetša fase.” Mosadi wa Gagwe a ka se ke a lekega le banna ba bangwe. “Ke tla aga Kereke ya Ka, gomme dikgoro tša hele di ka se tsoge tša kgona go E šišinya.”

270 Gomme Abele le Kaine, ka tšhemong ya Edene. Kaine o gogile kwišišo ya gagwe mong, o rile, “Bjale, lebelela, Modimo ke Modimo wa go loka. O ka godimo ga tlhago ka moka, ka fao ke tla hwetša dinawa le matapola, gomme ke tla hwetša ma—mapolomo, gomme ke tla Mo direla aletara ye botse ka nnete.” Yeo ke kereke. O ile a khunama fase. O be a dumela Modimo. O ile a direla Modimo, a bea diatla tša gagwe godimo, gomme a neela sehlabelo sa gagwe. O dirile se sengwe le se sengwe sa bodumedi se Abele a se dirilego.

271 Abele o agile mohuta wa aletara ye e swanago. Eupša ge Abele a tliša sa gagwe, o tlišitše kwana. Bjale, Kaine a gopola gore, go dira selwantšha sebe, gore tatagwe le mmagwe ba swanetše go be ba jele kenywa, bjalo ka ge ba rutilwe ka tšhemong yela. Eupša Abele, ka kutollo ye Kgethwa, o ile a tseba gore e be e le madi a a se dirilego. Ka kutollo ye Kgethwa! Gomme Beibele e rile ka go Baheberu, ya 12 tema, 11 tema, gore, “Abele, ka tumelo,” (kutollo) “o neetše go Modimo sehlabelo se sekaonekaonekaone go phala sa Kaine, ka sona Modimo a paka gore o be a lokile.” A seo ke therešo? [Phuthego e re, “Amene.”—Mor.] Amene! Ngwanešu, kgaetšedi, e no ba pepeneneng bjalo ka eng kapa eng e ka bago, go nna. Fao ke selo sohle.

272 Bjale ka *Lenyalo le Tlhalo*, le a bona, le swanetše go utollwa. Go fihla ge le utollwa, ga o le tsebe. Eupša O tshephitšitše ka matšatšing a a mafelelo, ka lebakeng le, gore sephiri se sengwe le se sengwe se se utilwego ka Beibeleng se tla utollwa. Ke ba bakae ba tsebago seo? Kutollo, ya 10 tema! Jesu o e tshephitšitše, gore ka moka diphiri tše di utilwego ka—ka *Lenyalong Le Tlhalo*, ka moka tše dingwe tše di utilwego diphiri tše di, di tla utollwa ka nakong ya mafelelo. Bjale le a elelwa, Lentšu le rile, “Eya Tucson.” Le elelwa Seetša sa go se hlalošege ka lefaufaung; Morongwa wa bošupa a eme kua; a tla morago, le go bulwa ga Mahuto a Šupa? Hlokomelang se se diregilego. Seo ke therešo.

273 Bjale pelepele gannyane feela. Eupša bjale, ekwang lena! Ke a tseba e ba nako ya lena go ya go ja, eupša ke no ja gabotse. [Phuthego e re, “Amene.”—Mor.]

274 Elang hloko, bjale, mosadi o na le lefelo la gagwe, gomme ke lebjehohlokwa. Solomone, monna yo o be a na le basadi ba dikete tše lesome. . . goba o be a na le sekete sa basadi, ke ra gore, o boletše gore, “Monna yo a hweditše mosadi, o hweditše selo se sebotse.” O rile, “Mosadi wa go loka ke lebjehohlokwa godimo ga korone ya gagwe,” yeo ke tlhompho. “Eupša yo motee a sego a loka ke meetse ka mading a gagwe,” bjoo ke bophelo bja gagwe. O rile, “Fao go ka no ba monna yo motee wa go loka a hwetšwago go ba sekete,” Solomone o boletše se, “eupša,” o rile, “o ka se ke wa hwetša mosadi yo motee wa go loka go ba ba sekete.” Solomone o boletše seo, le a bona. Bjale elang hloko seo, ke ka fao e lego.

275 Eupša, o a bona, mosadi, ke wena—ke wena lebjehohlokwa ge o nyaka go ba lebjehohlokwa, eupša tumo e swanetše go ba ka wena. Gomme le a bona gore ka baka la eng *Lenyalo Le Tlhalo* e be e le, seo Jesu a go se šupa morago kua, e be e le ka baka la gore mohuta wa gago e bile sehlola sebe ka moka. Leo ke lebaka leo go nyala basadi ba bantši le tlhalo, le dilo, di ilego tša tsebatšwa. Mathomong ga se gwa ke gwa ba bjalo, go ka se be bjalo ka lefaseng godimo ka kua.

276 Lebelelang Jakobo, yo go tšwa go yena go tlilego bapatriaka. O be a na le feela toseine ya basadi. O nyetše dikgaetšedi tše pedi, gomme a ba le basadi ba direthe ntle le bao, basadi ba molao wa go tlwaelega bao a bego a phela le bona. Gomme bapatriaka bao ba tswetšwe go tšwa go basadi bao ba direthe. A seo ke therešo? [Phuthego e re, “Amene.”—Mor.] Le a bona, le swanetše go dira Lentšu gore le kitime ka go thelela.

277 Oo, ke na le matlakala ka bona. Ge monna wa boruti a ka tsoaga a mpotšiša ka yona, gomme re tla tla mmogo, gomme re tla bolela ka yona. Eupša ka nnete, ge a na le semoya se se itšego gatee, a ka kgona go bona thwi mo gore ke Therešo. Fao ga go na le potšišo ka Yona.

278 Mosadi wa go loka ke selo se sebotse. Ke tseba seo. Ke se tseba ka basadi ba nnete. Ke ile ka kopana le basadi ba nnete bao e lego ba mmapaale, e no ba ba nnete bjalo ka monna yo mongwe yo a kilego a sepela.

279 Ke setšwa go se sengwe le seripa sa monna, gomme ka go weng o ile a mo theetša. A no. . . Mosadi ke karolo ya gagwe. Eupša, go tšwa go yena, o dirilwe gore a kgone go ba bohlaswa, gomme o filwe tokelo ya go gana goba go dumela. Ke go fapana le tlhago ya setlogo mathomong, le a bona, eupša fao ke lena.

280 Bjale ke iri ya lesomepedi, ka fao ke tla tlogela selo se sengwe mo metsotso e se mekae. Ke nyaka go le kgopela selo se sengwe.

281 Bjale, elelwang, ke bolela se go sehlopha sa ka feela. Gomme ka ntle ka moyeng, ke bolela se feela go balatedi ba ka mong. Molaetša wo ke feela wa bona, le se ke yago go se bolela mo.

282 Modiredi mang kapa mang, o, se ke sa gagwe, ya, ke modiši wa mohlape, a a dire eng kapa eng a nyakago go e dira. Go tšwa go yena le Modimo. Moprista ofe goba ofe, moreri ofe goba ofe, go tšwa go wena, ngwanešu wa ka.

283 Ke bolela feela mo ka Jeffersonville, lefelo le nnoši nkago go bolela se go lona, ke ka baka la gore ke mohlape wa ka mong. Ke mohlape wo Moya wo Mokgethwa o mphilego wona go o kwišiša go ba mookamedi godimo ga wona, gomme O tla ntshwara boikarabelo ka wona. Gomme batho ba ba ka e bile basokologi mo go tšwa go putla naga, bao ke ba etetšego pele go ya go Kriste. Gomme, bana ba bannyane, ke mo go le thuša, gomme ke nna mogwera wa lena. Le ka no nagana gore ke bolela kgahlanong le lena; ke bolela se, le a bona, go le hola. Ke a le rata. Gomme ge seo se se bjalo, Modimo ke Moahlodi wa ka. Le a tseba ke a le rata.

284 Se ke selo sa go tia kudu, ke be ke sa tsebe gore nka se tliša ntle bjang. Ke tla dira eng, ge ke na le banna le basadi ba dutše ka phuthegong ya ka, ba bangwe ba bona ba nyetšwe makga a mabedi goba a mararo? Banna ba go loka le basadi ba go loka, ka moka ba hlakahlakane! Se dirilwe ke eng? Thuto ya maaka, tlwa, go se letele go Morena.

285 “Seo Modimo a se kopantšego mmogo, go se ke gwa ba motho yo a se aroganyago.” E sego seo motho a se kopantšego mmogo; seo “Modimo” a se kopantšego mmogo! Ge o na le kutollo ya thwi go tšwa go Modimo, gore yoo ke mosadi wa gago, gomme selo se se swanago, yoo ke wa gago, bophelo bja gago ka moka. Le a bona? Eupša se motho a se kopantšego mmogo, yo mongwe le yo mongwe a ka kgona go se aroganya. Eupša se Modimo a se kopantšego mmogo, ga go motho yo a kago go se kgwatha. “Eng kapa eng se Modimo a se kopantšego mmogo,” O rile, “go se ke gwa ba motho yo a se aroganyago.” E sego seo magiseterata yo a tagilego-seripa goba selo se sengwe gape a se beilego mmogo, goba moreri wa go kgeloga ka sehlopha sa dithutotaelo ka pukung, yo a ka ba dumelelago go dira eng kapa eng lefaseng, gomme Lentšu la Modimo le robetše thwi fao. Le a bona? Ke bolela ka se Modimo a se kopantšego mmogo.

286 Bjale ke ya go bolela se go lena. Ke hlokomela kudu se ke se bolelago le lena. Ga ke re go ba makgwakgwa le lena batho. Ga ke re go ba makgwakgwa le lena, banešu badiša. Ga ke re seo. Eupša ke na le boikarabelo, ka go lemoga gore se se beilwe ka diatleng tša ka. Gomme ge. . . Nka se kgone go Le swara. Ga ke tsebe mokgwa wa go Le fa ntle, gomme ke a tseba gore theipi ye e tla dira. Oo, nna, ke tla no ba komana, ofisi e butše, ka gore mo e a tla. Le a bona?

287 Go no swana le ka fao go lego ka *Peu ya Serpente*, eupša e kgonthištšwe ka go felela go ba therešo. Ke na le dipampiri thwi mo, go tšwa pampiring, fao basadi thwi bjale. . . gomme le ka go—ka go ye kgolo. . . Tše dingwe tša dikarolo tše kgolo di na le dinepe tša setlogo, noga e gagaba godimo ga leoto la mosadi, le feela ka fao e yago go mo rarela; o na le mehuta ka moka ya maikutlo le dilo, selo se sengwe monna a ka se kgonego go tsoga a mo kgwatha ka sona, le noga ye kgolo ye e rareditšwego go mo rarela, le go ya pele. Seo ke therešo tšwa. Gomme se ya go ba se sebesebe le se sebesebe, gomme se tla ba se sebesebe. *Serpente*, yoo a bego a se. . . o be a ka se kgone go ba le taba ya thobalano le yena ge a be a le serpente, eupša elelwang. . .

288 Ke be ke na le ngangišano letšatši le lengwe le. . . e sego ngangišano, feela modiredi wa Assembly of God le moamanammogo, a re, “O fošitše, ka Seo.”

Ka re, “Go lokile, nka no ba. Ke nyaka gore wena o mpotše.”

289 A re nako yeo, a ya pele gomme a thoma go bolela ka yona. Selo sa pele le a tseba, o ile a itahla ka seyena. Gomme selo se setee a se boletšego, o rile, “Ngwanešu Branham, o kae mohuta woo? Modimo o rile ‘o tee wa mohuta wa gagwe.’ O kae mohuta woo wo o boletšego gore o be a le gare ga motho le sebata, woo saentshe e sa kgonego go o hwetša bjale? O kae?” A re, “A o lefaseng? A o be a le tšhimpantshi?”

290 “Aowa, ka baka la gore madi a tšhimpantshi a ka se ke a hlakana le a mosadi, ga go phoofolo ye e hlakanego le yena. Aowa, e ka se ke, le gona peu ya monna e ka se hlakane le—le ya tshadi. E ka se e dire.”

291 “Ka gona e kae phoofolo yeo e itšego? Bjale, Modimo o rile, ‘A selo se sengwe le se sengwe se tliše pele mohuta wa sona.’”

292 Ke ile ka leta motsotso feela. Gomme bobose bja Moya wo Mokgethwa bja re, “Mmotše, ‘E gona mo.’”

Bjale, la mathomo ke rile, “Go lokile, e ka no ba e fedištšwe.”

A re, “Eupša, Ngwanešu Branham, gore, re bolela ka Lentšu, a ga re dire?”

293 Ka re, “Eye, mohlomphegi.” Gomme ka re, “Ba, go le bjalo, tleleima gore dilo tše dingwe, bjalo ka di dinosaurs le—le diphoofolokgolo, le go ya pele, diphoofolokgolo, diphoofolokgolo, ke ra gore, di fedištšwe, le go ya pele.” Ka re, “E ka ba gore e be e le yeo.”

294 A re, “Ngwanešu Branham, re bolela ka kgonthišo ya Lentšu. Ge sebe se le mo; gona, sebe sa setlogo, se swanetše go ba mo le sona.”

295 Gomme ka re, “Morena Jesu, O rile, ‘Le se ke la nagana gore le tla bolela eng ge le etla pele ga motho, ka baka la gore

se tla fiwa go wena ka iri yeo.' Morena, ke tla bolela eng?" A re, "Mmotše, 'E gona mo.'" Go no swana le ka mo ke bonego dipono sefaleng.

²⁹⁶ Ka re, "E gona mo," ke sa tsebe gore kae.

A re, "Kae?"

Gomme pele le bile nka nagana, A re, "Ke serpente."

²⁹⁷ Ke tlwa se e bego e le sona, ka gore ga e sa le sebata. O ile a rogakwa gomme a bewa godimo ga mpa ya gagwe matšatši a gagwe ka mokma. O gona mo. A seo ke therešo? [Phuthego e re, "Amene."—Mor.] Gomme go le bjalo ka tironng yeo a e dirilego, fao go sa na le sebe se se šomago go dikologa mosadi, bjalo ka thobalano ya monna ka mokgwa woo. Fao ke mo a nago le maemo a mahlomagolo le dilo, ge a na le maikutlo a gagwe kgole bokagodimo ga se monna ofe kapa ofe a ka kgonago go ka tsoga a se dira.

²⁹⁸ Ke tla ema fao ka baka la gore re ka lešabeng le le hlakanego. Ke tla hwetša banna ba bangwe, ke tla...re tla bolela go feta ka yona. Ke na le ka moka dipampiri le dilo di robetše thwi mo, thwi ka seatleng sa ka bjale, gomme ke be ke eya go e tliša go lena mosong wo. Ke be ke eya go tšea letšatši la go tlala ka go se, eupša ke tla tswalela bjale ka go bolela se.

²⁹⁹ Se ke go kereke ya ka feela. E sego kereke ya ka...Mohlape wo monnyane wo o ntumelago le go ntatela, se ke go bona.

³⁰⁰ Letšatši le lengwe, ke a tseba gore ge ke le botša eng kapa eng, e swanetše go tla GO RIALO MORENA, gona ke bile le Mangwalo ge A e utolla go nna. Eupša, "Morena Modimo, nka kgona go reng go phuthego ye? Ke tla ba le dikarogano. Monna o tla be a dutše mathuding gomme le ka ntle ga jarata, le mo gohle gape, 'A nka mo tlogela?' Basadi, 'A nka tlogela monna wa ka?' 'A nka dira eng?'" Ka re, "Morena, nka kgona go dira eng?"

³⁰¹ Selo se sengwe sa re go nna, "Eya godimo ka kua ka thabeng, gomme Ke tla bolela le wena."

³⁰² Gomme ge ke be ke sa le thabeng, ke sa tsebe gore tlase ka Tucson ba be ba Le bona. Eupša le mathitšhere ba bitša bana go tšwa...mosetsana wa ka yo monnyane le bona, go tšwa phapošing ya sekolo, gomme ba re, "Lebelelang godimo ka thabeng! Go na le Leru la go lebelega wa kgabo ya mollo ye kheri le ya godimo ka moyeng le go tla morago fase, le ya godimo ka moyeng le go tla morago fase."

³⁰³ Mdi. Evans, a o gona mo? Ronnie, a o mo? Ke tlile morago tlase go feta setešeng, mošemane yo monnyane setešeng sa petrole, setešeng sa petrole sa Evans mo. Gomme pele ke tseba se mošemane a bego a eya go se bolela, o ntšere ka maoto a ka, a re, "Ngwanešu Branham, o be o le godimo ka thabeng yela bogodimo kua, a o be o se?"

304 Ka re, “O ra go reng, Ronnie? Aowa,” le a bona, go bona se a bego a eya go se dira. Nako ye ntši dilo di a direga, ga ke, ga ke se bolele go batho. E ba . . . Selo sa ntshe ke, o bona tše ntši di direga, e ba sa go tlwaelega go wena. Le a bona? Ke no se botše batho. Ka re, “Ronnie, o be o . . .”

305 A re, “Nka kgona go go laetša thwi fao o bego o le gona.” A re, “Ke biditše mama, gomme re eme mo gomme ra bogela Leru lela le lekeletše godimo kua, le eya godimo le fase. Ka re, ‘E swanetše go ba Ngwanešu Branham a dutše godimo ka kua felotsoko. Yola ke Modimo o bolela le yena.’”

306 Gomme toropokgolo yohle, batho, ba Le lebeletše. Ka letšatši la go kganya go se maru felo le gatee, ka Leru le lekheri le legolo le lekeletše kua; le etla fase bjalo ka mojangobedi, gomme le eya morago gomme la alegela ntle.

307 Bagwera, gomme ka gona ke ya go tswalela, le ka kgona go tloga go tšwa go ye. Seo ke ge Se se be se utollwa go nna, se ke yago go le botša thwi bjale, ka fao Se seke sa le lahlegela.

308 Bjale ke bolela le balatedi ba rena feela, yo a ntatelago le Molaetša wo feela, e sego ka ntle. Mpeeleng bohlatse bja se pele ga Modimo. Feela go sehlopha se se nnoši!

309 Bjale re hwetšwa go tlhakanantšwiki ye ka baka la thutabomodimo e hlathollotšwego ka go fošagala. A seo ke therešo? Ke ka baka leo lena basadi le nyetšwe lekga la bobedi, le lena banna, ka baka la thutabomodimo ye e hlathollotšwego ka go fošagala. Bjale ke nyaka go le laetša selo se sengwe A mpoditšego sona.

310 Gomme ge Modimo, Mohlodi wa rena, a ile a botšišwa potšišo ge A be a le mo lefaseng, Jesu Kriste; gomme ge moporofeta wa Gagwe wa go lokolla a etla pele, Moshe, tlase ka Egepeta, go tliša bana ka ntle ga—ga Egepeta, go ba bea ka lefaseng la tshephišo; gomme Jesu o boletše mo gore Moshe o bone batho ka lemong le, gomme a ba fa go ngwala tlhalo, ka baka la gore seemo e be e le se e bego e le sona. Moshe o hweditše se se bjalo, bjalo ka, “A a tlaišege . . .” Modimo o dumeletše Moshe, moporofeta yola a rometšwego go batho, go fa go ngwala mo ga tlhalo go bona.

311 Gomme ka go ba Pele Bakorinthe, ya—ya 7 tema, ya 12 le ya 15 temana, ka go moporofeta wa Tastamente ye Mpsha, Paulo, yo a kopanego le selo se se swanago ka kerekeng, gomme o boletše se, “Yo ke nna, e sego Morena.” Seo ke therešo? Ka baka la maemo a tlhalo.

312 “Go be go se bjalo go tloga mathomong.” Eupša Moshe o ile a e dumelelwa, gomme Modimo a e tšea go ba toko. Gomme Paulo le yena o bile le tokelo, ge a hwetša kereke ya gagwe ka lemong leo.

313 Bjale le dumela se go ba Therešo, gomme E dumela go tšwa go Modimo! Gomme ka go hlatselwa ke Leru la

Gagwe le Molaetša wa Gagwe wo o ntlhišitšego go fihla mo, a Modimo godimo ga thaba a ka se ntumelele go dira selo se se swanago, go le tlogela go ya pele ka mokgwa wo le lego ka gona, le gore le se ke la se dira gape! Tlogang le basadi ba lena gomme le phele ka khutšo, ka gore iri e latile. Go Tla ga Morena go kgauswi. Ga se ra ba le nako go ripaganya dilo tše. Le se ke la leka go e dira gape! Ke bolela le phuthego ya ka feela. Eupša ge o nyetšwe. . . Gomme Modimo o mpeetše bohlatse bja seo, godimo ga thaba, gore ke kgone go bolela Se, kutollo ya ka godimo ga tlhago, ka baka la go bulwa ga Mahuto a Šupa, gomme ye ke potšišo ka go Lentšu la Modimo. “A ba ye pele ka gare ka mo ba lego, gomme ba se ke ba dira sebe gape!”

³¹⁴ “Go be go se bjalo go tloga mathomong.” Se ke therešo, go be go se bjalo, gomme go ka se be mafelelong. Eupša ka fase ga maemo a sebjalebjae, bjalo ka mohlanka wa Modimo. . . Nka se ipitše ka bonna moporofeta wa Gagwe; eupša ke a dumela mohlomongwe, ge eba ga se ka romellwa seo, ke beakanya mobu wa gagwe ge a etla. Ka fao ka fase ga maemo a sebjalebjae, ke le laela go ya magaeeng a lena, le mosadi wa gago bjale. Ge o thabile ka yena, phela le yena, godišetšang bana ba lena go boifeng Modimo. Eupša Modimo a be le mogau go wena ge o ka tsoga wa dira seo gape! Le rute bana ba lena gore ba se tsoge ba dira selo se sa go swana le seo, ba godišetšeng go boifeng Modimo. Gomme bjale ka gore le ka mokgwa wo le lego ka wona, a re yeng bjale, mo iring ya llata ye re phelago ka go yona, gomme “re gateleleng go ya go senepša sa pitšo ya godimo ka go Kriste,” fao dilo ka moka di tlogo go kgonega.

³¹⁵ Go fihla ke bonana le lena bošegong bjo, Morena Modimo a le šegofatšeng, re sa rapela.

³¹⁶ Morena Modimo, re Go fa ditebogo. Re Go fa tumišo. Wena o Jehofa yo mogolo yo a swanago yo a dumeletšego Moshe. Moshe, mohlanka yola, gomme a o be a tla botša batho ba gagwe eng? Gomme, Modimo, O mo dumeletše go fa lengwalo la tlhalo. Paulo, moapostola yo mogolo yo e bilego mongwadi wa Tastamente ye Mpsha, bjalo ka Moshe wa Kgale. Moshe o ngwadile Melao le lebaka la melao. Ba bantši ba baporofeta, mantšu a bona a lahletšwe ka go Yona, eupša Moshé o ngwadile Melao. Gomme O mo dumeletše go ngwala, go ba ngwalela lengwalo la tlhalo, ka baka la bothata bja pelo tša bona.

³¹⁷ Mokgethwa Paulo yo mogolo, e lego mongwadi wa Tastamente ye Mpsha, o kgonne go dira netefatšo ye bjalo, gore, “Ke bolela ka tlase ga maemo a; nna, e sego Morena.”

³¹⁸ Ka fao go bjalo lehono, Morena Modimo, mo bofelong bja lefase, bjalo ka ge re le mo ka tlase ga mogau wa Modimo,

re tseba gore ka pele re tla araba ka Bogoneng bja Gagwe. Le gore O dirile kudu, Morena, ke na le nnete, pele ga batho ba, ba tla itshwarelela go Le bjalo ka ge Le etšwa go Wena. Gomme go bea bohlatse mo lehonon, go batho ba bantši ba ba dutšego mo ba ba bilego ba bone Leswao godimo ka thabeng, fao Barongwa ba Morena ba tlilego ka sesaesedi, fao se tlilego ka Barongwa ba šupa, fao go utollwa ga Diphiri tše Šupa go ilego gwa tatollwa; gomme Morongwa yo a swanago, ka lehlakoreng le le swanago, godimo ga thaba ye e swanago, letšatšing leo Se sa go utollwa!

³¹⁹ Modimo, ke a rapela gore batho ba tla ya gae ba leboga kudu gore Modimo o file mogau wo go bona. Ke no Le bolela, Morena, ka tumelelo. Gomme ke no Le bolela ka tumelelo, Morena. Gomme a nke batho ba leboge gore ba ka se tsoge ba leka go dira sebe sela gape! Gomme a nke ba se tsoge ba leka go dira sebe se se itšego, eupša ba Go rate ka dipelo tša bona ka moka. Morena, dira malapa a gore a thabe, gomme a nke ba gole gomme ba godišetše bana ba bona poifong ya Modimo.

³²⁰ Ka gore, Molaetša wa ka wo o bego o le ka pelong ya ka o abilwe, Morena. Ke dirile ka moka ke tsebago gore nka dira bjang. Gomme Sathane o ntwantšhitše dibekeng, le diiri ntle le go robala. Gomme bjale ke a Le laela, Morena, go batho ba, gore ba ithute Lona, gomme ba ye ba Go phelele. E fe, Morena. E tlogile magetleng a ka bjale. Ba ka diatleng tša Gago. Ke a rapela gore O tla ba šegofatša.

³²¹ Šegofatša disakatuku tše, Morena, tšeo di sa tšwago go bewa mo, tša ba ba babjago le ba ba tlaišwago. A nke bošego bjo e be bjo botee bja a magologologolo, a go tlala maatla mašego, gore ka moka batho ba fodišwe. E fe, Morena. Re šegofatše mmogo.

³²² Anke re ye ka khutšo, re thabile, re thakgetše, ka baka la gore Modimo wa tlhoho o re laeditše “go tloga mathomong,” gomme go otlolletšwe go rena, ke go tlhakanantswiki ya rena ye re lego ka go yona, mogau wa Gagwe gape, ka matšatšing a a mafelelo. O yo Mogolo le Modimo wa ka Gosafelego, re Go leboga bjang ka yona! Gomme a nke dipelo tša rena di thabe kudu, gore re ka se tsoge ra ba le kganyogo ye nngwe gape go dira sebe kgahlanong le Wena. Go la Jesu Leina. Amene.

Ke a Mo rata, (ka baka la eng o sa swanele go

Mo rata?) ke a Mo rata

Ka gobane O nthatile pele

Gomme a patella phološo ya ka

Godimo ga Khalibari. . .

³²³ Ke a e bolela bjale gore badiredi ba tla kwišiša. Se ke go bona ba ba latelago Molaetša wo feela!

³²⁴ Oo, a le thabile? [Phuthego e re, “Amene.”—Mor.] Ke le boditše Therešo, GO RIALO MORENA, tsela ka moka go kgabola! [“Amene!”]

³²⁵ Bjale a re emeleleng gomme re emiše diatla tša rena, ge re e opela gape, “Ke a Mo rata.” Ke Mo ratela mogau wa Gagwe. Ke Mo ratela kgaugelo ya Gagwe. Ke Mo ratela Lentšu la Gagwe. “Gomme Lentšu la Morena le tlile go baporofeta!”

Ke a Mo rata.

³²⁶ E tla godimo, ngwanešu. E ya pele.



LENYALO LE TLHALO NST65-0221M
(Marriage And Divorce)

Molaetša wo ka Ngwanešu William Marrion Branham, setlogong o abilwe ka Seisemane ka Lamorena mosong, Feberware, 21, 1965, ka Parkview Junior High School ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org